


CHINESE-JAPANESE COLLECTION
HARVARD COLLEGE LIBRARY
FROM HARVARD-YENCHING INSTITUTE
JUN 28 1932

TCWL2136/6531



關中金石記卷第五

鎮洋畢沅撰

宋

王彥超修文宣王廟記

哈佛大學哈佛葉宗
圖書館藏

建隆三年八月立劉從父撰文曰昭吉行書并篆額

宋史文苑傳有劉從義善為文章常續長安碑文為遐風集者當即其人

篆書千字文

乾德三年十二月立釋夢英書

夢英字皆作英惟此碑作瑛與他碑異

夢英以篆法自名而體多閉架筆趨便易不若少温之安詳端敬也且多繆體字如宙字應從由而作向佳字應從室而作遼同字應從王中畫通王字而作閔三畫通王字數字應從厂

關中金石記卷第五

鎮洋畢沅撰

宋

王彥超修文宣王廟記



建隆三年八月立劉從義撰文曰昭吉行書并篆額

宋史文苑傳有劉從義善為文章常續長安碑文為遺風集者當即其人

篆書千字文

乾德三年十二月立釋夢英書

夢英字皆作英惟此碑作瑛與他碑異

夢英以篆法自名而體多閒架筆趨便易不若少温之安詳

端雅也且多繆體字如宙字應從由而作厠往字應從圭而

作嵒閏字應從王

中畫近上為帝王字

而作閏

三畫正均乃金玉字

巖字應從厂

而作巖匡字應從圭而作匡頓字應從屯而作規嫡字應從
商而作縉出字應從山而作出克字應作古而作吉列字應
作躬而作與殿字應作殿而作殿丞字應作爾而作爾轂字
應作輶而作輶敕字應作敕而作敕觴字應作觴而作觴眺
字應作眺而作眺盟字應從血而作盟或省或增或改變皆
非正體又古無藏字只用臧古無崑字只用昆古無潔字只
用絜古無邈字只用藐古無懸字只用縣古無塗字只用涂
古無貽字實用詒古無妙字實用眇古無悅字實用說此亦
並用俗字揆其故蓋因玉出昆岡昆池碣石女慕貞絜紈扇
員絜等字本重疊故也又逍遙古只用消搖藝古只用執此
竟作逍遙與藝律呂調陽本爲律名隋智永唐歐褚所書皆
然今則作呂更徵謬陋矣英書已傳數百年然不能免後人

之譏如此擬管者可不知所取法耶

三體陰符經

乾德四年四月立郭忠恕書

此刻唐懷惲禪師碑之陰三體者以篆爲正而以古隸分注
于下也蠢字本從瞿從虫而省爲蠢最謬者則烈字之作熒
耳其所用古文多無所本宋史稱忠恕有古文尚書并釋文
行世今其所作汗簡中採錄甚多字體亦正俗參半乃博覽
之家非求精之學也篆體既變少監舊法又加之筆畫謬戾
何以示後

夢英千字文序

乾德五年九月立陶穀撰文皇甫儼正書

江淹擬休上人怨別詩

乾德五年立釋夢英十八體篆書注解分書贈詩正書並袁允中書

贈詩共十二人馬去非宋白賈黃中陳搏趙逢李頌盧岳許道寧何承矩呂端僧承牙元寶與咸平元年刻者惟賈黃中呂端二詩相同此題端爲太常丞當是太祖定國初所贈然則咸平刻云特進太子太保致仕者爲追錄無疑也米芾書史曰夢英諸家篆皆非古失實一時又從而贈詩使人媿笑摩利支天經

乾德六年十月立袁正己正書前有摩利支天像李奉珪繪書史會要正己汝南人

陰符經

乾德六年十一月立袁正己正書前有李筌遇驪山老母圖

象翟守素繪

張仲荀抄高僧傳序

無號年陶穀文釋夢英正書並在西安府學

修周武王廟碑

開寶六年十月立盧多遜撰文孫崇望行書

崇望書宋時謂之院體蓋用集聖教序筆意而加豐潤者趙嶠謂出于吳通微恐未必然宋史禮志廣南平遣司農少卿李繼芳祭南海除去劉鋹所封僞號及宮名又命李昉盧多遜王祐扈蒙等分撰嶽瀆祠及歷代帝王碑遣翰林待詔孫崇望等分詣諸廟書于石卽其事

修周康王廟碑

開寶六年十月立黃遜浮撰文孫崇望行書並在咸陽廟內

文有云我應天廣運聖文神武明道至德仁孝皇帝宋史本紀乾德元年十一月百官上尊號曰應天廣運仁聖文武至德皇帝開寶元年十一月上尊號曰應天廣運大聖神武明道至德仁孝皇帝與此云聖文者異

修唐太宗廟碑

開寶六年十月立李瑩撰文孫崇望正書在醴泉廟內

修龍興寺塔記

開寶八年四月立正書在同州

碑無撰書人姓名文內有帖也德行無取文學甚虛之言當是撰文者名而姓無攷

蒼頡廟碑并陰

開寶八年大呂月立韓從訓撰文韓文正行書在白水

碑字甚拙其陰列孔子弟子姓名書冉耕字百牛攷漢啟母廟石闕銘百川栢鯨義作伯漢碑陰又有出錢幾伯之文是古百栢栢三字通用也書公冶長字子之范甯曰公冶長名芝字子長以芝爲名非也古芝與之同字書漆雕開字子修樊遲字子緩又分樊須爲二人則非是

法門寺浴器靈異記

太平興國三年四月立正書無撰書人姓名在扶風

保寧等寺額牒

太平興國三年四月立正書在興平

牒云興平縣清梵寺宜賜保寧之寺爲額西禪院宜賜淨相禪院爲額誌公塔院宜賜多寶院爲額法花院宜賜惠安之院爲額後有中書侍郎平章事盧者盧多遜也右僕射兼門

下侍郎平章事左僕射兼門下侍郎平章事者當是沈義倫
薛居正兩人

使帖

太平興國三年六月立正書

中署右贊善大夫通判軍州事揚而不及名劉敞等漢書刊
誤曰楊氏世有兩族出赤泉侯者從木子雲當從手吳仁傑
正之曰子雲先世食我食采于楊而得姓字亦應從木案魏
志楊修字從木而自稱爲修家子雲知兩字古本通也後有
武功郡王宋史宗室列傳云太祖子德昭太平興國元年鎮
永興封武功郡王

縣帖

太平興國三年六月立正書此與使帖並刻牒文下

太上老君常清淨經太上昇元消災護命經太上天尊說生天
得道經

太平興國五年閏三月立龐仁顯正書前有老君像白廷璨
繪在西安府學

廣慈禪院新修瑞象記

雍熙二年三月立希夷先生陳搏撰文楊從乂正書并篆額
在咸寧香城寺

周約謁祠記

雍熙二年八月刻正書在華嶽廟

新譯三藏聖教序

端拱元年立太宗御製文釋雲勝隸書在西安府學

香城寺牒

淳化二年四月立正書刻香城寺地土碑下方在咸寧

呂文仲題名

淳化四年三月刻正書

文仲時以左諫議大夫與陳堯叟爲關西巡撫使見宋史本傳

王著題名

無號年正書刻唐定慧禪師碑陰在鄠縣

著以攻書事太宗爲侍書傳以爲與呂文仲同時人故附于此

崔承業題名

淳化四年十一月刻正書在唐大智禪師碑之陰

侯建中謁詞記

淳化五年春仲刻正書在華嶽廟

贈夢英大師詩

咸平元年正月立釋正蒙正書

共三十二人陶穀楊昭儉趙逢王著蘇德祥趙文度郭從義何承裕楊徽之范杲李建中張洎呂端賈玘李鑄師顏李若拙宋白賈黃中趙昌言鄭起許仲宣馬去非韓溥臧丙蘇易簡王承衍陳文顥穎贄郭忠恕陳搏宋温舒叙次官職往往與史傳合唯李若拙范杲臧丙爲左諫議大夫鄭起爲左拾遺史並作右爲非耳又楊徽之不及爲翰林侍讀學士亦其脫略攷碑作咸平元年刻石而史載徽之以二年爲兵部侍郎兼秘書監師顏以三年爲翰林學士呂端以太子太保致仕亦在真宗立後一二年並在刻石後者疑碑追刻歲月實

說文切音乃徐鉉等以唐韻附入者其廣韻爲宋人增刪已非唐本今陸德明經典釋文李善及五臣文選注張守節史記正義顏師古漢書注章懷太子後漢書注張湛列子注史崇及僧元應兩一切經音義楊齊宣晉書音義顏師古急就章注等書具在世多讀書好古之士而卒無一人採錄諸家之說以復唐韻之舊者何也夫由唐韻以合之周沈更由周沈以合之漢魏上溯三代音之古今正變可觀矣而後人乃指吳棫之書爲古音之正取以証詩騷漢賦何其謬歟

修文宣王廟記

咸平三年八月立王漢撰文蕭資隸書并題額在臨潼縣學保寧寺浴室院鐘欵

咸平三年十二月建正書在興平保寧寺

欵內稱府主者知京兆府事者也內品者內侍官也所謂把門內品後苑內品及內品矣鎮將及副鎮則鎮砦官耳

梁顥李易直安撫巴峽謁祠記

咸平三年刻正書

宋史顥本傳是年冬王均平命顥爲峽路安撫使題稱右司諫知制誥梁顥傳不及爲右司諫者略也通鑑長編命翰林學士王欽若知制誥梁顥分爲西川及峽路安撫使國子博士李及甫秘書丞李易直副之所至錄問繫囚自死罪以下得弟降之上諭欽若等曰朕以觀省風俗尤難其人數日思之無易卿等各宜宣布德澤使遠方知朕勤卹之意

江仲甫謁祠記

咸平四年閏十二月刻何淑正書並在華嶽廟

臥龍寺鐘款

咸平六年十二月造正書在咸寧

勅賜西嶽廟乳香記

咸平六年九月立韓見素撰文□□正書董洎篆額在華嶽廟

後題名內有宣德郎守右司諫直史館知華州軍州事輕車都尉高紳江少虞皇朝事實類苑曰紳江東人善篆文與李無惑同時齊名

重真寺買田莊記

咸平六年□月立撰書人缺在扶風

修造靈寶三籙壇記

景德二年冬十一月刻龐奎題正書

□仲卿祭告記

景德二載□月刻正書

虞部郎中淳于廣謁廟記

祥符建號式載季秋刻分書並在華嶽廟

御製文宣王贊

大中祥符元年十月立正書篆額

元聖文宣王贊並加封號詔

大中祥符元年十一月立真宗御製并正書

宋史禮志是年十一月幸曲阜備禮謁廟本紀加諡孔子爲

元聖文宣王遣官祭以太牢給便近十戶奉塋廟

承天觀碑

大中祥符二年二月立李維撰文尹熙古行書并篆額在正

寧

觀唐天寶元年建明皇夢羣仙使求之得石象二十七因置此也唐書地理志云縣本名羅川以獲玉正人像改名正寧修文宣王廟大門記

大中祥符二年六月立孫僅撰文再宗閱正書張格篆額並在西安府學

宋史禮志是年以國諱改元聖文宣王爲至聖文宣王五月通封十哲爲公七十二弟子爲侯先儒爲伯

晉國大長公主祈福記

大中祥符己酉十月立賈得升題並正書在華嶽廟

大長公主卽延慶公主下嫁石保吉以淳化元年改封卽以是年十二月薨逝悟真大師賈得升陳希夷弟子文內又有

張德□應是張德昇見龐房報祀記

□□禪師偈

大中祥符三年正月立沙門靜己行書省中篆額在西安府學

此刻唐栖先塋記後額已失禪師泐其名

李璿謁廟記

大中祥符三年二月刻正書

韓國長公主祈福記

大中祥符三年三月立賈得升題並正書

宋史本傳楊國大長公主至道二年封宣慈長公主咸平五年進魯國下嫁柴宗慶歷徙韓魏徐福四國仁宗立進鄧國大長公主以眞宗本紀攷之封韓國後應是衛國非魏國也

本紀是年閏三月帝幸第視疾卽指此事案太宗七女惟此
歷封韓國爲長公主若雍國大長公主亦改封韓非此人
韓國長公主禱謝記

大中祥符三年四月立賈得升題正書並在華嶽廟
重書唐旌儒碑

大中祥符三年五月立唐賈至撰文張綽重書并篆額在臨
潼縣學

文云天寶中改坑儒鄉爲旌儒鄉冊府元龜云天寶元年改
麗山爲會昌山仍于坑儒之處立祠以祀遭難諸儒

龐房謁祠記

大中祥符季秋刻正書

宋垂遠等謁祠記

大中祥符庚戌季秋立張綽隸書並在華嶽廟

文云閣門祇候宋垂遠奉命提點京西刑獄公事詔旨給假
迎侍北堂與弟秘書省正字寧遠知邑棘丞師仲宰知京兆
昭應縣張綽進士龐房同告謁嶽祠案宋史宋璫傳子明遠
都官員外郎次子垂遠閣門祇候不及寧遠名龐房報祀記
云師仲宰以大理寺丞知華陰縣事

普濟禪院記

大中祥符三年十一月立閻仲卿撰文沙門善雋習王右軍
行書在汧陽龍泉山

善雋自署爲廣慈禪院文學沙門廣慈禪院者卽府城之香
城寺也爲晉天福時改名古有集書無稱習書者習書應是
依仿爲之此碑筆畫雖近却甚拙陋如閻字作門內陷右軍

時必無此體尤爲無所據矣

何昌齡謁廟記

大中祥符四年二月刻正書在華嶽廟

重修元聖文宣王記

大中祥符四年皇帝祀汾陰之月立董儲撰文僧嗣端隸書
在藍田

陳繼昌謁廟記

聖宋祀汾陰歲仲春月刻第十孫陳知新正書在華嶽廟
泰寧宮牒

大中祥符四年三月立正書在渭南今名后土廟

任中正謁祠記

大中祥符四年十一月刻正書

題云樞密院直學士知□州迴路由名嶽者時代張詠知益
州也中正字慶之官終禮部尚書

盛亮摹勒御書記

皇帝祀汾陰明年三月立正書姓名泐並在華嶽廟

賜陳堯咨疏龍首渠勅

大中祥符七年九月立堯咨行書在西安布政司廨

堯咨自署龍圖閣直學士尚書工部郎中知永興軍府與史
本傳合傳云長安地斥鹵無甘泉堯咨疏龍首渠注城中民
利之卽指其事堯咨字嘉謨堯叟之弟

張懷彬投龍記

天書九載孟春立孫可久題正書

懷彬官入內供奉可久官入內高班又有李懷凝官入內高

品並中人也宋史真宗本紀大中祥符元年春正月乙丑有黃帛曳左承天門南鳴尾上守門卒塗榮告有司以聞上召羣臣拜迎于朝元殿啟封號稱天書

蔡汝祭告並王懷珪嶽廟設醮記

大中祥符九年六月刻張綽正書

薛田魏野謁嶽祠記

大中祥符□年正月立正書

宋史魏野傳魏野字仲先陝州陝人隱居州之東郊祀汾陰之歲與李瀆並被薦不赴案此題云徵君魏野當是被薦之後薛田字希稷

□知常建醮記

大中祥符□年六月立正書並在華嶽廟

知常亦中人官入內高品

保寧寺浴室院建鐘樓碑

天禧二年六月立冉曾撰文并行書冉商篆額在興平

文甚華贍足傳行書亦整健商自署官爲三班借職監商稅者三班借職武臣之初階監商稅隸太府寺都提舉所謂諸州易務雜買務雜買場者是也

許文德題名

天禧三年十月刻正書在華嶽廟

大宋敦興頌

無號年虛儀先生撰文唐英篆額在西安府學

此刻虞永興夫子廟堂碑後碑題皇帝嗣明離之三葉歲在未月建午日丁卯宋自太祖至真宗有天下者三世真宗卽

位之後歲在未是爲天禧三年也宋史文苑傳有馬應自稱先生于開寶初倣元結中興頌體作敦興頌以述太祖下荆湖之功碑序所稱文表起戎保權告難頌所稱洞庭漣漣巴陵遷遷皆荆湖間事此稱虛儀先生而不置姓名當卽其人鄧保口送御書神述碑石記

天禧四年十月立正書

文有云巳後午前丙時豎之所稱丙時卽二十四路法也其法出之淮南子天文訓子午卯酉爲二繩丑寅辰巳未申戌亥爲四鈎東北爲報德之維西南爲背陽之維東南爲常羊之維西北爲號通之維所謂四維者乾巽坤艮四路也故下又有斗指子則冬至指癸則小寒指丑則大寒指報德之維則立春指寅則雨水指甲則驚蟄指卯則春分指乙則清明

指辰則穀雨指常羊之維而立夏指巳則小滿指丙則芒種指午則夏至指丁則小暑指未則大暑指背羊之維而立秋指申則處暑指庚則白露指酉則秋分指辛則寒露指戌則霜降指號通之維而立冬指亥則小雪指壬則大雪等說道家傳黃帝宅經多有其法世蓋襲用之而不知其出於淮南矣

鄧保口豎立神述碑石記

天禧四年十月立正書

題云神述碑一片玉篇有斤字云平也又有廳字云客厨此蓋以斤爲廳案聽事之所爲廳古無斤廳二字是卽用聽字矣

劉鋹謁祠記

天禧庚申歲刻正書

段微明建醮記

乾興元年二月刻正書

題云奉宣差入內內侍省內侍高品段微明往慶成軍太寧宮太寧廟開啟道場慶成軍卽河中府榮河縣以大中祥符中陞爲軍太寧宮卽后土祠禮志曰大中祥符四年改奉祇曰太寧宮

范雍謁祠記

乾興壬戌四月刻正書

題云陝西轉運使尚書兵部員外郎賜紫金魚袋以傳攷之當由京東轉運副使歷河北轉運使及陝西也史不及兵部員外郎是其缺略

上官冲謁祠記

乾興元年五月刻正書

范雍再謁祠記

天聖癸亥九月刻正書

題云今歲自三司度支副使遷此官復爲本路轉運使以傳合之蓋由陝西轉運使入爲三司戶部副使又徙度支以尚書工部郎中爲龍圖閣待制陝西都轉運使耳

宋漢臣祭禱記

乙丑歲乙酉月刻正書

文稱壬戌歲乙巳月又稱甲子歲丁丑月又稱乙丑歲戊寅月又稱當歲壬午月乙酉月壬戌當是乾興元年甲子爲天聖二年乙丑則三年也攷文安公牡丹詩爲漢臣所刻是漢

臣其時人

劉近恭謁聖容記

天聖三年□月刻正書並在華嶽廟

浴室院鐘樓記碑陰

天聖四年五月僧思詮正書在興平

勸慎刑文并箴

天聖六年五月立晁迥撰文盧經正書在西安府學

迥判西京時年已八十餘矣其爲殿中丞嘗失入死囚奪官

二秩故晚年津津慎刑若此於此可見古人悔過之亟

棲禪寺修水磨記

天聖八年八月立沙門志陸撰文并行書在鄠縣艸堂寺

文云寺之東南隅曰高觀之谷長安志作高冠在林谷之東

去縣三十里水磨之法置車輪於水中軸高丈餘設板使軸

上出以置磴磴石兩層上層四周縞懸之使不復動水從高

下卸激輪則下磴旋轉如風能濟千人食明徐光啟農政書

有其遺製乃秦西龍尾等車法之祖也今秦地人猶用之

文安公牡丹詩

天聖九年五月立劉孟堅序行書篆額無姓名在咸寧香城
寺

永興軍牒

景祐二年二月立僧惟悟書

此刻唐邠國公功德銘之陰時范雍以戶部侍郎知永興軍
請以府城隙地立學舍并乞國子監九經書籍故給此牒牒
以元年正月下至二年二月始書上石也上有門下侍郎兼

吏部尚書平章事呂者呂夷簡也工部尚書平章事李者李迪也戶部侍郎參知政事王者王曙也刑部侍郎參知政事宋者宋綬也下皇叔行雍州鳳翔牧荆王者周恭肅王元儼也攷史本紀及諸傳並合

中書劄子

景祐二年十一月立正書並在西安府學

陳執中謁祠記

景祐四年十月刻正書在華嶽廟

宋史本傳執中字昭譽明道中安撫京東進天章閣待制使還知應天府徙江寧府再遷工部郎中改龍圖閣直學士知永興軍案此云陳執中自天章待制除龍圖閣直學士知永興軍府與史傳合

興元府修文宣王廟記

慶歷二年正月立竇充撰文并正書篆額姓名闕在褒城

興慶池禊宴詩并序

慶歷壬午歲上巳日立序張子定撰詩共十八人范雍張奎劉渙張子定張揆王揚庭李諷尹仲舒閣詢趙濟宋宏雷簡夫楊初平史瑜董士廉文彥若趙寅王冲正書隸額在西安府學

四六序典雅清麗詩並卓卓可傳子定高平幕下士也可想見一時之盛

王堯口謁祠記

慶歷壬午仲冬刻正書在華嶽廟

題云被詔綏撫涇原又云經畫西事以史攷之卽王堯臣也

堯臣以翰林學士知審官院陝西用兵爲體量安撫使韓琦徙秦州范仲淹徙耀州堯臣言二人不當置之散地又薦种世衡狄青有將帥才慶歷二年九月趙元昊自鎮戎軍原州入寇乘勝掠平涼關中震恐仁宗思其言復以琦仲淹爲招討使使堯臣再撫涇原其所論沿邊城砦設險阨要賊徑通屬及備禦輕重之策動關利害故史節載其文以仁宗本紀攷之是年十月甲寅有遣使安撫涇原路之文而不署姓氏夫堯臣能識韓范於旣敗之後舉种狄於未用之先所見已爲卓然又經略西兵朝廷多從其計至以疏請諸事付之各鎮用取爲法是堯臣之出爲當時重有關係之人本紀反略之宋史之採摭失當於此可見

浴室院建鐘樓碑陰記

慶歷癸未五月刻正書在興平

普通塔記

慶歷五年二月立盧覬撰文沙門可度正書在扶風

法門寺重修九子母記

慶歷五年閏五月立張奭撰文魏戡正書在扶風法門寺

程琳謁祠記

丁亥六月立正書

題云推誠報德功臣宣徽北院使武昌軍節度鄂州管内觀察處置等使光祿大夫檢校太傅使持節都督鄂州諸軍事行鄂州刺史兼御史大夫充陝西路安撫使兼鄜延路經略使馬步軍都部署判延州軍事管内勸農使上柱國安定郡開國公食邑三千九百戶食實封七百戶程琳案宋史本傳

云琳字天球永寧軍博野人累官太常博士權三司戶部判
官大中祥符中修起居注提舉在京諸司庫務知制誥判吏
部流內銓權三司使改樞密直學士知益州遷給事中權知
開封府再遷工部侍郎龍圖閣直學士復爲御史中丞不拜
以翰林侍讀學士兼龍圖閣直學士再知開封府改三司使
遷吏部侍郎參知政事遷尚書左丞尋爲戶部侍郎知天雄
軍又以左丞爲資政殿學士遷工部尚書加大學士河北安
撫使改武昌軍節度使知永興軍陝西安撫使以宣徽北院
使判延州仍爲陝西安撫使拜同中書門下平章事判大名
府

施昌言修廟記

慶歷七年秋立隸書

題云天章閣待制知華州事施昌言宋史本傳昌言字正臣
通州靜海人累官屯田員外郎知太平府入爲殿中侍御史
開封府判官安撫淮南還以禮部員外郎兼侍御史遷三司
度支副使除天章閣待制河北轉運副使降知華州

田况謁祠記

慶歷丁亥仲冬立正書並在華嶽廟

云樞密直學士田况宋史本傳况字元均趙元昊反夏竦經
略陝西辟爲判官後遷陝西宣撫副使

禮法門寺真身塔詩

慶歷戊子暮春立張問作王宗元行書在秦王重修法門寺
塔廟記之陰

葉清臣謁祠石幢

慶歷八年四月立正書在華嶽廟

題云翰林侍讀學士尚書戶部郎中知永興軍府事本路安撫使兵馬都部署吳興郡侯葉清臣宋史本傳清臣字道卿蘇州長洲人歷官太常丞直史館以左正言知制誥判國子監陝西用兵擢起居舍人龍圖閣直學士權三司使爲呂夷簡所惡出知江寧府踰年入翰林爲學士以父憂服滿除翰林侍讀學士知邠州改澶州進尚書戶部郎中知青州徙永興軍仁宗御天章閣召公卿出手詔問當世急務清臣聞之爲條對復爲翰林學士權三司使案此內有慶歷丁亥秋赴官明年四月蒙恩召還云云當是復爲翰林學士時事

王元等題名

慶歷八年九月刻正書

慈恩寺塔枕石上多作佛像皆唐筆也凡宋元人題名並在空中處明人則大書佛像之上攷歷代名畫記云塔內面東西間尹琳畫塔下南門及西壁千鉢文殊尉遲畫南北兩間及兩門吳畫唐寺多畫壁故記云爾其稱南門及南北兩間當卽是枕石所刻筆畫精整有法猶可寶也

雷簡夫題名

慶歷年月缺隸書並在慈恩寺

程琳再謁祠記

皇祐己丑四月立正書在華嶽廟

內有云太常博士蔡挺卽工部尚書蔡敏肅公也字子政史但載從王堯臣范仲淹兩次宣撫陝西不及程琳并不及爲太常博士俱是缺略

重修李太尉祠堂記

皇祐元年六月立王哲撰文張大中正書廖山甫題額在富平覓子店

太尉唐李光弼也其地有赤眉廟哲爲縣令改爲祠堂至今尚存

王宗元題名

皇祐己丑清署之月刻宗元行書在秦王重修法門寺塔廟記之陰

重修扶風縣學記

皇祐元年九月立姚嗣宗撰文正書在扶風

李杞謁祠記

皇祐辛卯仲冬刻正書在華嶽廟

蘇軾有臘月遊孤山訪惠勤惠思二僧詩又有李杞寺丞見和前篇復用元韻答之詩疑卽其人

復惟識廨院記

皇祐三年立黃庶撰文□□元正書在西安府學

此刻隋皇甫君碑後唯識廨院者藍田故龍泉寺也有洪集者與姚氏共復之而爲之碑碑書或正或行或艸或兼篆籀分隸奇怪適偉莫名一器余所見隋開皇時曹永恪修陳思王廟碑亦如是後世無人敢效之矣

李叅母沆等題名

皇祐甲午上巳日刻行書在鄆縣艸堂寺

此卽至和元年是年四月改元叅字清臣知興元府時又有李清臣字邦直非此人

京兆府小學規

至和元年四月立裴衿正書在西安府學

遊藥水寺詩

至和三年立劉異撰正書在略陽

寺在縣南七里嘉陵江之藥水巖方輿勝覽稱去沔州城七里南有二石洞洞有泉能療疾者此也異詩自注云山上有石乳洞昔人采石乳入此洞中約行半日忽見天氣清朗奇花異木非凡境所有爲白鹿所觸驚迷而返後再遊則有大石塞其門矣今洞又在藥水巖之上五里云洞口石尚存封濟民侯牒

嘉祐二年二月立正書隸額無姓名後有金正大三年二月蔡□題名在郿縣太白廟

案牒以至和二年七月給後叙四人給事中叅知政事程者程戡也戶部侍郎平章事富者富弼也兵部侍郎平章事劉者劉沆也吏部尚書平章事文者文彥博也濟民侯太白湫神也是時李昭邁知鳳翔府事以祈雨感應請於朝因得以封之也昭邁稱山有祠宇不知建置之始唐貞元中詔京兆尹韓臯重修據柳宗元集有碑具載感應後唐清泰中復加繕葺國朝祥符二年專遣使修完春秋邑令致祭列在祀典臣兼聞慶歷七年河南府王屋縣析城山聖水泉特封爲潤德侯其例未遠可舉而行牒奉勅宣特封濟民侯攷太白神唐天寶八載封爲神應公十四載爲靈應公而宗元碑不載宋眞宗已封通泉廟爲靈派侯而昭邁亦不及宋志王屋縣熙寧五年屬孟州則是時猶屬河南也碑爲縣令賈番立石

書法仿顏平原疑卽所書

白水路記

嘉祐二年二月立雷簡夫撰文并正書篆額在略陽

文云至和元年冬利州路轉運使李虞卿以入蜀青泥舊路高峻請開白水路以便公私之行具上未報先預畫材費以待其可又請知興安軍劉拱總督工作命僉署興安判官李良祐權知長舉縣令商應案視險易因知河池縣令王令圖首建路議卽移文令圖通幹其事明年七月詔可十二月畢工初路未成李先遷東川路新轉運使旧諒至審其績狀以嘉祐二年三月奏上且曰虞卿以至和二年仲春興役仲夏移去其經營建樹之狀與令圖同願朝廷旌虞卿令圖之勞用勸來者朝廷依其請其略如此案白水路因江爲名白水

江水經注所稱濁水者是也青泥亦水名太平寰宇記有左溪水入嘉陵江者卽是水經注漢水又東南于槃頭郡南與濁水合水出濁城東流與丁令溪水會又東逕武街城南故下辨縣治也又東宏休水注之又東逕白石縣南又東南泥陽水注之又東南與仇鳩水合又東南與河池水合又東南兩當水注之卽故道水又南注漢水

張恭禮建醮記

嘉祐四年三月立正書在華嶽廟

恭禮中人也官入內內侍省內侍高品

呂大忠等題名

嘉祐庚子三月刻正書在白水蒼頡廟碑之上方

种諤題名

嘉祐庚子四月刻正書在華嶽廟

諤字子正种世衡之子題云大理寺丞知縣者蓋以棘丞出知華陰縣事也本傳不及之

張渥題名

嘉祐六年四月刻正書在秦王重修法門寺塔廟記之側

嘉祐殘字

嘉祐壬寅五月刻正書在慈恩寺

程遵路謁祠記

嘉祐七年三月刻隸書在華嶽廟

石林亭詩

嘉祐七年十二月立劉敞蘇軾倡和作李邠正書篆額在麟遊

石本唐苑中物原父購得之爲此亭與東坡倡和王象之云亭在麟遊縣治東

韓愈五箴

嘉祐八年二月立李寂篆書在西安府學

寂於宋不甚著名筆格方整可觀惜其有譌體處書家所不避也

妙德禪院明覺殿記

嘉祐八年六月立雷簡夫撰文劉戡正書在耀州

章惇題名記

甲辰正月立行書在鄠縣艸堂寺

文云惇自長安率蘇君旦安君師孟至終南謁蘇君軾者宋史惇傳惇舉甲科調商洛令與蘇軾遊南山抵仙遊潭潭下

臨絕壁萬仞橫木其上惇攝軾書壁軾懼不敢書惇平步過之乘索挽樹攝衣而下以漆墨濡筆大書石壁曰蘇軾章惇來既還神彩不動卽其時事也今仙游寺題名已失所存者惟此耳

題太史公廟詩

治平元年閏五月刻李奎作正書在韓城

盧盛等題名

治平甲辰六月刻正書在慈恩寺

畱題玉華山詩

治平三年四月刻宋球張道宗作冀上之正書

宮在縣西三十五里唐書地理志貞觀二十年置玉華宮宮在縣北四里鳳皇谷永徽二年廢爲寺舊云縣有玉華山宮

以山名據此知山實以宮名也金於此置玉華鎮書史會要冀上之字冠卿西河人楷書師歐陽率更

玉華山詩

治平丙午五月立張响作冀上之正書並在宜君玉華宮

史炤謁祠記

治平三年十月刻正書在華嶽廟

唐張說溫泉箴

治平丁未孟冬立楊方平正書在臨潼

維元未孟冬立縣太平五書並刻

刻於縣署

太平三年十月修五書並刻

刻於縣署

太平丙午正月立縣西門外五書並刻

刻於縣署

漢上之字取嶼西門外五書並刻

以山谷巖北嶼山實以宮中少金代北置王華齡書史會要

關中金石記卷第六

鎮洋畢沅撰

宋

孫永范純仁等題名

熙寧元年三月刻正書在慈恩寺

王竦題名

熙寧戊申三月刻行書在麟遊萬年宮碑額之陰

閻詢謁祠記

戊申重陽日刻正書

宋史詢傳詢知商州神宗初轉右諫議大夫改邠同二州提

舉上清太平宮使此詢自署諫議大夫是從商州還朝道經

於此畱題耳

楊遂題名

熙寧庚戌七月刻正書並在華嶽廟

題云宋馬軍都使容州觀察使新環慶副都總管楊遂宋史本傳遂作燧云開封人累遷榮州團練使京城左箱巡檢英宗卽位以爲鄧州防禦使步軍都虞候歷環慶涇原鄜延二路副都總管至馬軍副都指揮使由容州觀察使拜寧遠軍節度殿前副都指揮使卒諡莊敏地理志容州屬廣南路

陳繹題名

熙寧三年九月刻行書

王臨題名

熙寧庚戌中冬刻行書並在渭南唐王忠嗣碑之陰

陳繹謁祠記

熙寧三年十二月刻正書

題云熙寧二年九月守彰化十一月移本路轉運副使制置解鹽使明年十一月移京東轉運使案宋史本傳繹字和叔開封人神宗立爲陝西轉運副使入直舍人院修起居注知制誥拜翰林學士以侍講學士知鄧州史不及爲京東轉運使者缺也

劉忱謁祠記

熙寧辛亥孟夏刻正書

忱卽議遣河東疆界者見宋史神宗本紀

呂黃謁祠記

熙寧四年五月刻正書並在華嶽廟

題內有大忠大鈞大臨大觀名范育呂大鈞墓表云考黃比部郎中贈左諫議大夫六子五子相繼登科知名當世其季

賢而早死君其第三子也攷宋史呂大防傳云兄大忠弟大鈞故大鈞爲第三子文云蕢自京師□□安當是自京師至延安時大防知延州蕢至其任所也

范育等題名

熙寧四年六月刻正書在同州聖教序記之陰

育字損之范祥之子官終給事中戶部侍郎

張孝孫謁祠記

熙寧辛亥中元日刻正書

林顏題名

熙寧辛亥中冬刻正書

蔡延慶謁祠記

熙寧六年正月刻正書

云治平丁未夏領本路提點刑獄謁祠下後六年蒙恩除天章閣待制秦鳳等路都轉運使過祠下恭謁金天帝宋史本傳延慶齊從子字仲遠歷官福建路轉運副使提點京東陝西刑獄神宗初以集賢校理爲開府推官加直史館知河中府同修起居注直舍人院判流內銓拜天章閣待制秦鳳等路都轉運使

劉航等謁祠記

熙寧癸丑仲秋刻正書

盧訥祈雪記

熙寧癸丑仲冬刻王讜正書並在華嶽廟

宋史神宗本紀熙寧六年十一月丙寅大雪案是歲八月壬申朔此云仲冬十九日祈雪當猶在丙寅之前也

吳中復題名

熙寧七年二月刻中復隸書在慈恩寺

陳紘謁祠記

熙寧七年二月刻正書在華嶽廟

趙抃皮公弼等題名

熙寧七年仲冬刻吳中復隸書在慈恩寺

王欽臣謁祠記

熙寧十年三月刻正書

欽臣王洙之子字仲至欽臣曾為陝西轉運副使此云權發遣羣牧判官公事當在為副使之前史不及之也

張叔卿謁祠記

熙寧十年三月刻正書並在華嶽廟

梵書庵字贊

熙寧丁巳八月立太宗御製贊沙門顯俊正書在咸寧臥龍寺

蔡確謁祠記

熙寧□□六月刻正書在華嶽廟

題云直集賢院溫陵蔡確以宋史本傳攷之確直集賢院正在其時故附於此

海公壽塔記

元豐改元九月立釋慧觀撰文王曠正書在咸寧

此刻香城寺地土牒碑後

俞次臯謁祠記

元豐元年十月刻次臯正書

題云出帥華池者知慶州也華池以熙寧四年改名合水此存舊稱

薛昌朝題名

元豐戊午中冬刻正書

孫迥謁祠記

元豐戊午□月刻迥正書並在華嶽廟

渾王廟記

元豐二年三月立馬唐民撰文郭仲益正書在宜川

廟在鳳翅山上在今縣之東南五里文云廟直丹州之東二里在兩崖間者唐舊治也舊誤爲閏王廟以閏渾聲近後左藏庫副使知丹州事高渙爲之改正唐民撰文以紀其事蔣之奇題名

元豐己未六月刻正書

題不署官職攷之奇于神宗初爲殿中侍御史因誣劾歐陽修貶監道州酒稅改監宣州是時正在退貶之時故不及之耳

蔡延慶再謁祠記

元豐己未夏刻正書並在華嶽廟

云自龍圖閣直學士涇原路經略使赴名者本傳延慶以應辦熙河軍須功進龍圖閣直學士王韶入朝攝熙帥不及爲涇原經略使者略也

封忠武王廟勅

元豐二年八月立前載中書門下牒後載加封勅側載中書劄子並郭仲益正書馬唐民題額在宜川

內有右諫議大夫叅知政事蔡者蔡確也云渾王城生有勛勞歿而英顯伏望朝廷特沛殊恩別加徽稱卽勅封爲忠武王攷城在唐時已謚忠武王此亦因其故封耳時高渙知丹州軍事以祈雨感應請于朝故有應期得雨潤深一赤云云赤與尺古字通碑後有崇寧元年九月王碩跋
天馬賦

元豐三年正月米芾行書在西安府學

此是明人以墨本鈎摹者後有魏應龍黃公望諸人跋

謁太史公冢祠記

元豐庚申季春刻王景修正書在韓城

王璞題名

元豐庚申初夏刻正書在麟遊唐九成宮碑之側

□□祠堂後記

元豐庚申立馬唐民撰文郭仲益正書在宜川

此碑相傳以爲渾城廟後記案其文云□□在三堡原唐高

宗永徽辛亥遷于丹陽川之口昭宗景□刺史王公惜其德

施於人而名晦不顯因訪舊得使君舊塋於西嶺構屋而祠

之則非渾城矣史傳莫可攷証姑志之以俟知者

孫真人祠記

元豐四年六月立王嘯撰文後有金重刻祠記跋係大定九年七月米孝思撰之並正書在耀州五臺山

文云華原本京兆屬邑後建爲別郡曰耀其城之東有沮水水東二三里有山曰五臺爲孫真人舊隱之地案今沮水在州城之西是城亦非華原舊築矣五臺山本名風孔山長安

志云風孔山在華原縣東五里今山在城東猶二三里稽以道里以長安志爲是碑云在水東二三里者恐非也碑又云有昆明池龍胡僧利其寶貨取去求救於真人真人因得其方書此事出酉陽雜俎云胡僧利其腦非寶貨也續仙傳云千金方以救龍子得之與此說異今千金方書前有真人自叙惟言集古方書知此說近誕用以博異聞焉可耳

集陶潛歸去來詞詩

元豐四年九月立蘇軾撰并行書在西安府學

劉陶謁祠記

元豐五年正月刻正書

趙諒謁祠記

元豐五年孟秋月刻正書並在華嶽廟

諒自署爲文思副使者武階也有文思使又有副使東染院使應轉洛苑使有戰功得轉文思使東染院副使應轉洛院副使有戰功得轉文思副使其叙遷之例如是

雙皂莢行

元豐五年七月立陳叔度作子正舉隸書并跋在臨潼溫泉

吳暈等題名

元豐五年季秋日刻張覲正書在麟遊唐九成宮碑之側

歐陽修昭仁寺跋尾

元豐五年十一月刻張浮正書在長武唐昭仁寺碑之陰

謝卿材題名

元豐癸亥三月刻正書在朝邑饒益寺

蘇軾天和寺詩

元豐癸亥六月軾行書陳雄跋正書在扶風

薛紹彭題名

元豐六年六月刻正書

王顥謁祠記

元豐六年九月刻正書並在華嶽廟

張琰等題名

元豐癸亥仲冬刻陳琳正書在麟遊唐九成宮碑之側

陳康民謁祠記

元豐七年八月刻正書

王子文建醮記

元豐乙丑戊寅月刻正書並在華嶽廟

張琬等題名

元祐元年閏三月刻正書在慈恩寺

薛侏祭奠記

元祐元年十一月刻正書在華嶽廟

范口題名

元祐二年四月刻正書在慈恩寺

上清宮詞

元祐二年六月刻蘇軾作并行書在蓋屋縣學

玉海有神降於蓋屋民張守真家守真爲道士卽所居勅北
帝宮太宗嗣位真君降言有忠孝加福愛民治國之語詔于
終南山下築宮凡二年宮成中有通明殿題曰上清太平宮
祀神之夕上望拜宋史禮志太祖神御之殿鳳翔上清太平
宮

薛紹彭題名

元祐□年□月刻正書在鄆縣唐定慧禪師碑之側
此應是元祐二年時與蘇軾等同遊鄆杜故題名於此
游師雄祭告記

元祐三年正月刻正書在華嶽廟

游玉華宮記

元祐三年四月立游師雄撰文並正書在宜君

杜純挈家謁祠記

元祐戊辰閏四月刻男開奉命書在華嶽廟

題云轉運使濮陽杜純本傳云元祐元年范純仁韓維王存
孫永交薦之除河北轉運判官歷徙陝西轉運使

游師雄仇伯玉等題名

元祐三年五月刻正書在同州聖教序記之陰

王漢卿題名

元祐三年八月刻正書在慈恩寺

呂義山等題名

元祐戊辰十二月刻行書在溫泉

李英公神道碑陰記

元祐四年二月刻游師雄撰文黎持正書

李衛公神道碑陰記

元祐四年二月刻游師雄撰文并正書

昭陵六馬圖并游師雄記

元祐四年端午日立刁玠正書蔡安時篆額並在醴泉

師雄記曰六馬像贊歐陽詢書高宗時勅殷仲容別題于石

坐歐書今不復見而仲容之字尚存如寫白蹄贊云平薛仁果時乘益知唐史誤以果爲杲攷吳縝新唐書舛繆亦有其說蓋果杲字形相近致誤也

刻李義山題渾忠武王祠堂詩

元祐四年重陽日刻游師雄跋并正書後有五年仇伯玉張舜民題名

祠爲奉天令錢景逢建師雄跋云公有大恩於斯民宜乎百世血食然而廟貌闕如常與邑宰錢君語及君因圃亭葺爲祠堂旣圖公之像并刻李商隱詩以附焉今像不存

渾忠武王祠堂記

元祐五年清明日立幸育換文安宜之正書并篆額並在乾州

謁太史公祠記

元祐五年夏四月立邵劬題正書在韓城芝山

是不著書人姓名字體瘦勁與游師雄墓志略同應卽邵書無疑邵字仲恭丹陽人嘗授筆法於蔡元長元長教以學沈傳師者文云元祐五年春不雨夏四月丁酉詔書委所在長史躬禱境內名山大川將以戊午有事于禹廟者宋紀是年二月辛丑罷修黃河癸卯禱雨嶽瀆罷浚京城濠丁未減天下囚罪杖以下釋之四月甲辰呂大防等求退不允丁巳詔避殿減膳諸所書皆以旱故也攷是年至五月始得雨紀于二月書禱雨岳瀆而是題四月猶有事禹廟則其往復遣官禱祭情事可知攷史是年正月丁卯朔二月有丁酉不言朔當是二日則辛丑爲六日癸卯爲八日丁未爲十二日也四

月丁酉應是三日甲辰爲十日丁巳則二十三日也史于三月亦著丙申朔合大小餘之例亦無誤

京兆府新移石經記

元祐五年九月立黎持撰文安宜之正書篆額在西安府學轉運使杜孝錫題名

元祐庚午十月刻行書在鄠縣唐定慧禪師碑之側孝錫卽杜純此以字行與前書名者異

十九宮六言詩

元祐五年十二月立游師雄作下有閣上功跋正書

刻唐凌烟閣功臣畫像并贊

只存王珪魏徵李勣侯君集四人上有像贊並正書亦元祐五年游師雄所刻並在麟遊

摹吳道子觀音二像

元祐辛未仲夏刻下有呂由聖贊并跋並正書在西安布政使司解

張保源游高驩潭記

元祐壬申刻正書

高驩潭卽高觀谷水所滙者也驩觀亦字通

劉銅等十人宿紫閣題名

元祐壬申秋社後一日刻正書並在鄠縣唐定慧禪師碑之陰

重修郟陽縣學記

元祐癸酉正月立時彥撰文王寔正書并隸額在郟陽時彥字邦美開封人官終吏部尚書史有傳

游師雄題名

元祐八年正月刻正書在華陰玉泉院

右在山蓀亭下字徑一尺五六寸景叔書莫大於此

坊州刺史盛南仲遊玉華宮記

元祐癸酉二月立王績正書在宜君

杜牧阿房宮賦

元祐八年六月安宜之正書後有游師雄記亦宜之書在西安府學

游安民祈晴記

元祐癸酉仲秋刻正書在華嶽廟

王詵題名

元祐癸酉刻行書在慈恩寺

游師雄章案等題名

元祐甲戌中和節後一日刻正書在同州聖教序記之陰

趙光輔觀音變相畫壁跋

紹聖元年四月立游師雄作并正書在耀州

宣和畫譜光輔官大理評事善畫蕃馬時人稱趙評事蕃馬圖繪寶鑑光輔耀州人太宗朝爲畫院學士工畫佛道人物兼精蕃馬

王濟叔白耘叟題名

紹聖元年仲夏刻隸書在鄠縣唐定慧禪師碑之陰

昭陵圖并說

紹聖元年端午日立楊安繪游師雄撰文并正書在醴泉唐太宗廟

右圖太宗昭陵并附肅宗建陵在今縣北五十里陵寢記以爲在縣東三十里者唐縣也并附陪葬諸臣一百六十五人姓名攷新舊唐書唐會要及文獻通攷所載互有不同唐書七十四人通攷百五十五人會要一百六十七人攷昭陵陪葬例子孫願從其祖父者聽如姜遐爲行本之子行本在陪葬諸臣之例遐得從其父葬又陸先妃葬于麟德中特請陪葬此皆在常例之外者故諸家互有不同也惟是當時各家皆有穹碑夾以蒼松翠栢巨槐長楊下宮寢殿與表裏山河共成形勢一時君臣際會之隆號稱極盛自朱梁盜發而後再歷千年金虎石麟淪沒榛莽不但基址荒蕪卽金石文字亦漸剝蝕無存余以乙未春季闕視涇陽龍洞渠道出醴泉瞻拜元宮周覽封域因飭地方官重加修葺並爲釐正疆界

建立碑亭庶使樵牧牛羊知所禁辟而遺徽先烈得以垂諸永久云

張重威昭仁寺碑陰記

紹聖元年七月刻正書

曹調鼎昭仁寺碑陰記

紹聖元年八月刻正書並在長武

胡宗回謁祠記

紹聖元年季秋刻正書在華嶽廟

宋史本傳宗回字醇夫官陝西轉運使吏部郎中紹聖初以直龍圖閣知桂林此題云自陝西轉運使被命移帥桂林與傳皆合

朱光裔王普題名

關中金石記卷第六
三
紹聖二年三月刻正書在鄠縣唐定慧禪師碑之陰
李行之題名

游玉華宮記
紹聖二年四月刻行書在扶風唐宏農先賢積慶碑後

紹聖二禩五月立錢景允撰文隸書在宜君

李章游艸堂寺詩并子百堅跋

紹聖二年九月立百堅正書

薛嗣昌詩

紹聖二年季秋月立正書並在鄠縣艸堂寺

嗣昌紹彭之弟

關山月關山雪詩

紹聖丙子宋構作並正書在隴州大佛寺

朝請郎柴公玉華寺詩

紹聖四年九月立胡授正書在宜君

游師雄墓志

紹聖四年十月立張舜民撰文邵翬正書在西安府學

師雄橫渠弟子治平元年舉進士爲儀州司曹參軍自治平

迄元祐二十餘年皆在邊帥幕府始因范忠宣薦韓魏公委

督築熙寧塞糧餉後歷蔡挺韓絳劉瑄趙高諸幕而在高幕

最久元祐以後屢經遷轉十餘年始徙知陝州而公已歿矣

神哲二宗知之未爲不深也而卒不得大用此議者所以有

用不盡才之恨歟宋史西夏傳載秉常嗣國後二十年中凡

屬戰守之事得失具見合此志攷之大略出之師雄者居多

余集陝省金石目錄見畱遺筆跡幾至廿種其才略風概瑰

偉卓犖宋世少其儔匹採錄之餘令人企慕久之
敕賜重興戒香寺公據

游玉華宮記
紹聖四年十月立僧文才正書在邵陽百里社

紹聖年月缺錢景廸撰文並正書在宜君

瞿伯宗題名

元符己卯三月刻正書在鄠縣

陳知存謁祠記

元符己卯季春刻正書在華嶽廟

王正臣李援題名

元符己卯仲夏刻正書在鄠縣

白雲山主得利塔記

元符二年十月立趙宗輔撰文僧道雅正書并題額在高陵
文云師初居鄠縣白雲山淨居禪院後居縣之隆昌寺淨居
在白雲山下唐舊寺也隆昌寺在毘沙鎮金史地理志云縣
有毘沙鎮者是也寺爲宋太宗賜額宗輔鎔之子官至西京
左藏庫副使

李援蘇昞等題名

元符三年二月刻隸書

修鳩摩羅什塔亭記

元符三年六月立甯祖武撰文隸書無姓名並在鄠縣

程懿叔遇雪詩

元符三年十月刻正書在臨潼溫泉

李革等題名

建中靖國元年三月刻正書

路允蹈宿逍遙寺記

建中靖國改元四月正書刻定慧禪師碑之陰

孫竦孫埃等題名

建中靖國元年五月刻正書並在鄆縣

張景修等題名

崇寧元年二月刻正書在同州聖教序記之陰

梅澤過艸堂望終南山經樊川懷杜牧之行役述懷諸詩

崇寧改元三月刻崔珙正書在鄆縣艸堂寺

淨相寺橙軒詩

崇寧壬午九月刻彭廸明作正書在興平

王碩題忠武王廟碑記

崇寧改元九月立正書在宜川元豐二年勅封忠武王記之

上方

靜應廟記

崇寧二年三月立王允中撰文東長孺正書并題額在五臺

山

廟於唐爲靜明寺是時勅賜靜應廟額爲孫真人祠

終南山雜咏

崇寧二年六月刻李駒作崔珙行書在鄆縣艸堂寺

靜應廟勅并封妙應真人告詞

崇寧二年八月立王忠正書并題額在五臺山

中有中書侍郎趙挺之又有尚書左僕射兼門下侍郎京蔡京也門下侍郎將許將也尚書右丞居厚吳居厚也吏部尚

書執中何執中也吏部侍郎洵仁鄧洵仁也

重修縣學記

崇寧二年立蘇時撰文謝□正書□敏篆額在褒城
鮮于侁游靈巖詩

號年缺隸書在略陽

案侁又有游靈巖詩序云崇寧三年秋行部與太守某等游
此云云則此爲崇寧三年作也侁字子駿閬中人官終集賢
修撰知陳州

乾陵無字碑題字

崇寧癸未季冬刻王正叔正書在乾州

唐遺棲禪寺詩

崇寧甲申冬至前二日刻正書在鄆縣

□擇仁謁祠記

崇寧四年五月刻分書在華嶽廟

景興宗題名

崇寧四年仲秋刻正書在鄆縣定慧禪師碑之陰

淨安寺鐘款

崇寧四年十月造正書在朝邑

寺故址在渭水濱元至正元年沒于渭明改建于王林村款
云同州朝邑縣魯苑鄉金史有鎮名四而無魯苑之名亦可
以補地志之缺

五臺山唱和詩

崇寧四年十二月立于吳王允中尚佐均王需張魴張介夫
高鈞何賁等作正書并題額在耀州

前有吳上允中啟云拜呈知府屯田攷宋制諸府州縣皆以
京朝幕等官攝之故有以某官知某府事知某州事知某縣
事之稱或不帶京朝幕官等銜亦云某府知府某州知州某
縣知縣至明則竟改稱知府知州知縣近人作碑刻有用宋
時舊例云知某府事等稱者亦始於明世有意好古之徒通
人所無有也

建安黃公詩

崇寧丙戌三月立東長孺正書有跋在咸陽縣署

黃公不詳其名

王仲孚題名

崇寧丙戌孟秋刻篆書在鄆縣定慧禪寺碑之陰

張舜民等題名

崇寧丙戌重九日刻正書在慈恩寺

長興萬壽寺文殊閣圖并記

大觀元年七月立爾朱權撰文楊時中正書在同州

大觀聖作之碑

大觀二年四月立徽宗行書蔡京題額李時雍摹寫在興平
縣學

此刻隋賀若誼碑之陰京以大觀元年五月爲尚書左僕射
兼門下侍郎二年正月進太師碑題太師尚書左僕射與史
傳合

御製學校八行八刑條

大觀二年十月奉御筆建行書

八行者善父母爲孝善兄弟爲弟善內親爲睦善外親爲婣

信于朋友爲任仁于州里爲恤知君臣之義爲忠辨義利之分爲和也孝弟忠和爲上睦婣爲中任恤爲下士有全備八行者貢入太學爲太學上舍全備上四行或不全一行而兼中等二行爲州縣上舍上等之選不全上二行而兼中二行爲上舍中等之選不全上三行而兼中一行或兼下行爲上舍下等之選反之者加以八刑有犯不忠不孝不弟不和終身不齒不得入學不睦十年不婣八年不任五年不恤三年有能改過自新不犯罪而有三行之實聽入學在監一年又不犯弟三等罪聽齒于諸生之列其例如此

修蓋嶽祠記

大觀已丑季春刻正書在華嶽廟

薛綱題名

己丑歲中元日刻正書

此刻定慧禪師碑之側云河東薛綱遊諸山獲觀先公題字則綱爲紹彭之子此題稍已磨泐前有後二十二年字樣元祐後二十二年當已丑應是大觀三年故置於此

孫鼂詩

大觀已丑九月刻正書並在鄆縣艸堂寺

梁慶祖謁祠記

大觀四年九月刻行書

李傅謁祠記

大觀四年十月刻正書並在華嶽廟

過臨潼三絕句

大觀四年十二月刻李挺作子熙民正書并跋在臨潼溫泉

乾陵無字碑題字

政和元年天祺節後一日刻范致明正書在乾州

徐處仁等題名

政和改元孟夏刻正書在慈恩寺

處仁字擇之時以資政殿學士出知永興軍與史傳合

提舉魯公畱題遠愛亭詩

辛卯八年刻魯百能作正書在扶風

辛卯當是政和元年

張智周等題名

政和改元孟冬刻正書在同州聖教序記之陰

張智周題名

政和元年十月刻正書在鄠縣艸堂寺

張智周題名

正書在慈恩寺

右無號年故附置於此

勅修河濱靈源王廟碑

政和二年正月立陳振撰文王恣正書并篆額在韓城東王村

文稱河自大觀以來變濁爲清者三乾寧保平率以累日惟二年冬見於同州之韓城邵陽其袤百里其久彌月攷徽宗本紀自大觀至政和凡三書河清並在同州惟大觀三年兼有陝州保平軍卽陝州也又于二年云以乾寧軍爲清州改乾寧爲清應卽以河清之故而史不及之疑是略矣河自三代以來皆有崇祀故公羊傳以太山河海爲三望望者謂不

能親詣所在就其近郊祭之之義也其置祠實自秦始皇記封禪書云河祠臨晉漢志云臨晉故大荔秦獲之更名有河水祠今同州府朝邑縣是其地蓋昭王作河橋於此卽因而祭之耳郊祀志高祖置祠祀官女巫令河巫祠河於臨晉又宣帝詔五嶽四瀆皆有常禮河於臨晉使者持節侍祠歲五祠太平寰宇記西魏文帝大統十三年于漢祠更加營造周武帝天和四年太宰宇文護于祠西建碑一所靈帝大象元年江淮濟各從本所祠惟河一祠依舊不改每歲發使致璧加牲以祠焉文獻通考唐武德貞觀四瀆年別一祭祭西瀆大河于同州歷代相傳並因而不改至明皇開元十五年始以有司言改祠于河中府在今山西之榮河縣而同州之祠廢矣攷唐自明皇以後嶽瀆之制互有輕重然猶封河神爲

靈源公眞宗封禪進號爲顯聖靈源公仁宗康定封爲靈源王金章宗明昌爲顯聖靈源王元太祖至元爲靈源宏濟王順帝至元爲靈源神佑宏濟王明則革去前號改稱西瀆大河之神亦並存河中府之舊此唐以前宋以後祠祀異地之大較也攷唐王延昌撰廟碑云安祿山反其將崔乾祐守蒲坂時郭子儀軍渭汭與之相持子儀夢神告曰永豐倉側將有急變姑以避之比軍退賊騎雲集子儀賴以獲全後請于朝而修祠此猶是同州之舊其建于韓城者乃當時別祠如宋時檀州河南亦得置河廟者是也文所云詔遣尚書郎張勸致祭旣抵其野訪故祠得破屋一區傾圮殆甚還請修建詔可之此宋世修建之事念陝省爲全河之襟帶而祀典闕如今雖不能復臨晉之故而韓城舊址不應委棄榛蕪過而

弗問此守土之責也余將請於

朝鼎新廟貌修復祀典以妥神庥而慶安瀾焉

席旦謁祠記

政和壬辰二月刻正書在華嶽廟

宋史本傳旦以顯謨閣直學士知成都府徙鄭州黜知滁州

復知成都府徙永興軍後加述古殿直學士命復知成都府

未赴卒此題云再守成都史不詳時月則據碑可攷

李逸老自百塔遊翠微諸勝題名

政和壬辰上巳後一日刻正書在鄆縣定慧禪師碑之陰

謝謁祠記

政和壬辰三月刻正書

宋達謁祠記

政和二年重五日期正書並在華嶽廟

呂湘題名

政和二年六月刻正書在鄆縣定慧禪師碑之陰

楊可世謁祠記

政和四年二月刻正書

可世即與郭藥師高世宣襲燕者又有可鞞可昇可輔可弼

可晟當並為可世之弟俱邵陽人書字人不著姓

張子定謁祠記

政和四年二月刻行書並在華嶽廟

司馬朴等題名

政和四年四月刻行書在慈恩寺

朴字文季范純仁之甥也後畱于金

遊驪山詩

政和四年七月刻孫漸作正書在臨潼溫泉

乾陵無字碑題字二

一政和甲午仲秋刻一十月刻並宋孝先正書在乾州

宋雲從謁祠記

政和甲午刻正書在華嶽廟

重建周西明寺圓測法師碑

政和五年四月立宋復撰文并正書在咸寧興教寺

王干謁祠記

政和乙未仲冬刻正書在華嶽廟

竇淵題名

政和乙未刻正書在鄠縣定慧禪師碑之陰

謝彥詩

政和丙申三月刻行書在臨潼溫泉

重修薦福寺塔記

政和六年五月立李樾撰文正書篆額無姓名在咸寧薦福

寺

趙耘老題名

政和丙申七月刻行書在慈恩寺

光濟寺碑

政和丙申歲八月立張鑑撰文僧洪禧正書篆額無姓名在

邵陽

折武恭公克行神道

號年缺毛友撰文字文虛中正書在府谷孤山堡南

文云武恭公既葬八年其子可求請立隧道之碑克行以大
觀二年卒既葬八年當是政和六年也可求降金者故克行
本傳不及其名

折氏世系

嗣祚五從阮本德辰周御勳太

代時麟名從遠永安軍寧軍節

州刺史避漢高節度使度使

史作嗣祖名改宋乾德

倫漢為永二年卒

安武勝贈侍中

軍節度

使周為

宣義保

義靜難

三鎮贈

中書令

德愿

御卿永惟正洛

安軍節苑使知

度使贈府州事

太師燕

國公

惟昌興

州刺史

惟忠簡繼宣左

碑稱為克行之兄

繼祖成

州團練

使

繼世忠克勤

州刺史

果州團

練使

惟信惟

忠之兄

碑叙次克行家世官爵大略與史並合惟御卿贈太師燕國

公惟忠贈崇信軍節度使史不及之耳世以此碑為折太君

碑攷折太君德辰之女楊業之妻也墓在保德州折窩村非

此也金史張奕傳云天眷三年夏人侵界詔奕往征還奏曰

折氏世守麟府以抗夏人本朝有其地遂以與夏夏夷折氏

墳隴而戮其屍折氏怨人骨髓而不得報今復守晉寧故激

怒夏人欲開邊釁以雪私讎朝廷遂移折氏守青州據此則

折氏之祖墳在府州者多為夏人所夷今此及嗣祚兩墳翠

石巍然歷千年而不泯當是折氏世篤忠貞之報今因以五

代宋書三史及碑叙其世系綴古者庶有所攷焉

折武恭公神道碑之陰

陰並列所統各寨主姓名史稱折氏自從阮於唐莊宗時起

家府州至宋高宗建炎二年可求以地降金凡七世父子兄弟相繼扞衛邊境者歷二百餘年而嗣祚碑有自武德中詔府谷鎮遏使之語遏使者唐鎮官名是折起于唐初迄于宋金之際也幾歷五百餘年簪纓不替其勛業彪炳史冊卓絕千古觀此碑陰益見其控禦邊陲鈴轄蕃漢之遺制焉

趙佶謁祠記開禧歲以書味精博及致遠此九字皆撰此碑

政和丁酉孟冬刻正書在華嶽廟不詳詳合與字皆寧效越

寶雲寺石碣魏以詩夏人本應合其此後與夏更更

政和八年閏正月立上官革命吏題正書在隴州五殿表曰

乾陵無字碑題字氣之文財業之更出與合詳詳詳詳詳詳

政和戊戌孟夏刻暨唐裔正書在乾州四以此碑此碑此碑

崇祐觀牒京汴宋世官領大加典更並合詳詳詳詳詳詳

政和八年九月立行書在朝邑東嶽廟

後題云通議大夫守左丞王押者王黼也起復少傅太宰押

者鄭居中也居中以六年為少保太宰七年八月以母憂去

十一月起復八年進少傅少宰少保押者余深也深以七年

十一月為特進少宰八年七月為少保太師魯國公不押者

蔡京也以本紀列傳攷之皆合

圓相觀音菩薩瑞像頌

政和八年孟冬立僧彥泯作頌麻應神作跋仇章正書在扶

風法門寺

石上作像頌跋並書其下像為無為子楊傑所傳

提舉顯謨湯公和胡仲文詩

正書在隴州大佛寺

此不著號年碑後有權汧源縣尉高慥主簿張正功立石字樣攷寶雲寺石碣後亦有尉高慥名當是一時之作因附於此

乾陵無字碑題字

宣和改元仲春刻李士觀正書在乾州

暨尹卿等題名

宣和辛丑清明前二日刻行書在同州聖教序記之陰

登太清閣詩

宣和三年四月刻宋口作行書在高陵

向子千題名

宣和辛丑孟夏刻正書在臨潼溫泉

邵子文等題名

宣和辛丑夏五月刻王正叔行書在慈恩寺

子文名伯温康節之子伯温以大觀時監華州西嶽廟後除知興元府不赴擢提點成都路刑獄石卽其時所題也

暨唐裔清輝閣題記

宣和辛丑七月立行書在韓城北寺

梁鼇謁祠記

宣和辛丑九月刻正書

梁激謁祠記

宣和辛丑重九後二日刻行書並在華嶽廟

黎獻民等題名

宣和辛丑刻正書在慈恩寺

王雲等題名

宣和四年春刻行書在西安府學唐大智禪詩碑之陰
暨唐裔等題名

宣和壬寅上巳後三日刻行書在同州聖教序記之陰
范智聞詩

宣和四年八月刻行書在慈恩寺

乾陵無字碑詩

宣和五年三月刻宋京作正書

乾陵無字碑詩

宣和五年仲夏刻張子剛正書並在乾州

宋光泰題名

宣和五年十一月刻行書在慈恩寺

乾陵無字碑題字

宣和癸卯刻劉錫正書在乾州

賈炎饒益寺題名二

一政和三年五月一政和五年六月并行書炎子公傑于宣
和六年四月刻在朝邑

先題云顯謨閣待制提舉南京鴻慶宮賈炎政和三年五月

蒙恩罷延帥奉母歸居潁昌後題云炎自鄜延帥移守南陽

侍親道饒益寺顯謨閣待制新知鄧州兼京南路安撫使賈

炎題攷宋史炎昌朝之子歷官工部侍郎政和中以顯謨閣

待制知應天府徙知延安求內郡以養母乃命爲潁州未行

復畱改河陽又改鄧州加直學士知永興入對畱爲工部侍

郎卒贈銀青光祿大夫前後奉母過饒益寺者始則由延帥

之潁州再則由河陽改鄧州也傳文叙次不甚明白不如碑

之詳著也又公傑題此云先考成正公畱題傳亦不及其諡其缺略如此南京卽應天府唐之宋州也鴻慶宮太祖神御殿名

解益王佐郃伯温題名

宣和六年七月刻隸書在鄆縣定慧禪師碑之側

潘溪真常游記

宣和甲辰夏刻正書在慈恩寺

碑不題姓名疑黃冠者流也

于真庵記

號年缺徽宗御製任諒集歐虞褚薛顏柳諸家書集李陽冰篆額在三原縣學

此爲道士于元隱所作也諒字子諒眉山人常以宣和中知

京兆府此當卽其時所爲故附于此

新修太史公廟記

靖康收元四月立尹陽撰文焦丙正書在韓城芝山南嶺

顏魯公奉命帖及畫象跋

靖康元年七月立唐重撰并正書在同州府學

重字聖任自署爲朝散郎秘閣修撰知同州軍州事攷重以

右諫議大夫疏斬蔡京父子遷中書舍人言宰輔當先補外

爲宰相所惡落職知同州傳不載其爲秘閣修撰當是略也

是年金兵破晉絳重度不能守開門縱州人使出自以殘兵

數百守城金兵疑其有備不渡河而返尋擢天章閣待制卽

其時事矣後爲京兆府路經略制置使爲金將婁室所攻城

陷殉節攷欽宗本紀金破晉絳乃是年九十兩月事也婁室

破承興軍乃高宗建炎二年正月事也重在同州繪公圖像
刻置祠堂是其忠義之氣根于天性觀此圖者不特使真卿
英靈千載不沫重之氣節亦於是乎可見矣

拱極觀記

靖康元年八月薛存撰文紹興九年中元日立雷道之跋權
說正書篆額在華嶽廟
中有云桮應如響者卽丕應也桮與丕通

王質劉雍題名

靖康丁未四月刻正書在鄆縣唐定慧禪師碑陰

此卽高宗建炎元年是年四月欽宗北遷五月高宗卽位改
元

李若水奉命觀稼謁祠記

無號年正書

題云直史館李若水以靖康元年爲太學博士改著作
佐郎此應其時所刻也傳不著其直史館當是略耳

潘浹謁祠記

建炎改元刻正書並在華嶽廟

金龍寺龍骨塔銘

紹興甲子三月立僧修信撰文正書無姓氏游國佐題額在
褒城

漢中府新修口記

乾道元年刻正書在褒城東三里烏龍江上
此是修棧中道路所立今俗名堰界石又有嘉定七年刻者
亡

楊從義神道碑

乾道五年三月立袁勃撰文李昌諤正書王椿篆額在城固
從義字子和以靖康丙午歲應募起隸吳忠烈玠麾下云建
炎二年八月被圍于同州者謂金將婁室亦作婁取下邽九

月破同州事也時公在圍中云四年九月我師不利於富平
者謂金太子宗輔爲副元帥督師陝西九月敗張浚五路兵
於富平也云紹興改元十月金四太子必欲取和上原先遣
兵攻神垵以警我師忠烈遣公擊之者謂是年十月玠保和
上原金將沒立自鳳翔烏魯折合自階成出散關約日會和
上原折合先期至陳北山索戰玠命諸將堅陳待之更戰迭
休金兵潰散沒立方攻箭括關玠復遣將擊退之會婁室死
兀術復會諸道兵十餘萬造浮梁跨渭自寶雞連結諸營與

玠兵相拒玠復命諸將以勁弓強弩却之先設伏兵於神垵
以待金兵至大亂縱擊破之是也云三年二月四太子擁大
軍由商于侵饒風關再攻和上原玠遣公引擊者謂金撒離
喝分兵攻關統制郭仲敗走金兵入興元經略使劉子羽棄
城走三泉玠退保仙人關金兵深入既由褒斜谷還興元玠
子羽追擊之是也饒風關在今石泉縣西五十里云四年二
月金兵入殺金平自元帥以下盡室而來示無返意者謂吳
璘守和上原饋餉不繼玠謂其地去蜀遠命棄之于仙人關
右殺金平剽築一壘移兵守之至是兀術撒離喝及劉夔等
三十萬騎入侵玠與璘及金人轉戰數晝夜不息是也云九
年金歸我河南侵疆者謂金以陝西地來歸遣使王倫受地
是也云十年五月金背盟撒離喝侵陝右公與諸軍會於涇

州回山原七月金據鳳翔八月與金戰于蒲坂河者謂是年
金兵犯石壁及吳璘與金鶻眼郎君戰撒離喝入邠州胡世
將遣公及王彥分道摧敗之撒離喝退屯鳳翔九月楊政遣
公夜襲金兵至十一月又襲之寶雞是也至是公隸楊政軍
云十一年七月與金戰於陳倉撒離喝再犯和尚原又戰却
之者謂是年春正月公既敗金兵於渭南政克隴州與戰於
寶雞擒金通檢孛董是也宋史高宗紀作十月與此小異是
時和議已成朝廷召政還以商秦之半畀金公亦移守鳳州
復退保仙人關垂二十年無所事者皆公之力也云三十一
年金主完顏亮遽背盟好者謂是年九月金兵攻黃牛堡爲
吳璘所敗也云三十二年閏二月公乘勢出攻金兵宵遁者
謂璘遣公攻拔大散關分兵據和尚原金人走寶雞是也蓋

是時始以功真拜和州防禦使賜爵安康郡侯而奔三路之
議起璘於是乎班師公於是乎西歸矣公以乾元五年二月
卒有子八人女十人子及胥並爲郎官宋史不立公傳其詳
並見高宗本紀及璘玠政等傳因疎出之並見碑刻之爲功
於史者不小也

開石門碑陰記

紹熙甲寅四月立晏袤撰文并隸書

碑叙漢鄙君及楊孟文開石門之事文醇雅可觀字亦深得
漢人法意宋人隸書中出色者袤臨淄人時爲南鄭縣令

郭公緒題名

嘉定庚午清明前一日刻正書

鮮于申之題名

嘉定三年三月刻隸書並在石門

文曰畛堰山河沂褒水登石門者卽山河堰也本蕭河所開曹參繼之以灌溉南鄭褒城兩縣田後誤蕭河爲山河其地有曹參廟宋政和中勅修賜爲山河惠遠侯廟

靈巖叙別記

嘉定戊寅六月刻李耆壽撰文並正書在略陽

其文云嘉定丁丑十二月二十有三日金兵入寇關表明年正月四川制置使寶謨閣學士臨川董公居誼進益昌督師利川路安撫節制軍馬直徽猷閣古汴楊公九鼎進屯河池以三月十七日斬其元帥一統軍七俘獲甚衆後十日金以忿兵自天水犯西和董公進沔陽不戰而退尋犯大散關舊岷州皆以敗去由是關表按堵如故楊公還駐沔陽董公復

駐益昌以六月十有四日叙別於靈巖寺幕下士眉山任處厚揚師復祥符李耆壽臨川過椿年李劉晏大正從行會稽虞剛簡眉山成申之賓城楊恢同谷李榮仲俱不及舉酒而別耆壽以承乏郡寄謹書刻之巖石云案宋史寧宗記嘉定十年四月金人分兵圍棗陽光化軍詔江淮制置使李珣京湖制置使趙方措置調遣仍聽便宜行事命四川制置使董居誼酌量緩急便宜行事十二月金鳳翔副都統軍完顏贊以步騎萬人犯四川迫湫池堡破天水軍攻白環堡迫黃牛堡統制劉雄弃大散關遁金人據之十一年二月金人焚大散關而去三月利州統制王逸等率忠義人復皂郊金完顏贊包長壽遁去沔州軍郭雄斬贊首包長壽合長安鳳翔之衆復攻皂郊趨西和州沔州都統劉昌祖焚西和州遁金人

破西和州復犯大散關卽其事也是時金源多難元運方興
諸兵出沒無常故勝負亦無定讀是記具見當時疆場景狀
且於以見金之不振焉

星羅寺鐘銘

嘉定甲申二月造兩截上截篆書有四神立像下截銘及題
名正書在興安州城南純陽宮

哲宗御書忠清粹德之碑額

紹定三年三月立田克悉上石隸題額在略陽

額係元祐戊辰哲宗於崇慶殿篆書蓋司馬光神道碑首也
詳見宋史本傳克悉摹刻於沔州公解耳篆法精整宋時所
少見者

光祿主簿蘇舜欽奉禮郎杜詵題名

號年缺正書

王韶詩

號年缺正書並在華嶽廟

韶字子純此作子淳與宋史異案米南宮蕭間堂記亦作純
此外又有蔡挺題名只姓名二字雙鈎刻之又范宗傑題名
又長子益恭次子益昌等題名亦未識何人之子又游靖兄
弟題名又崔黼題名又麻温舒題名又王嘉欽題名又得閑
居士祐晟題名又孫昌夏題名皆無年月可攷又有韓庶二
字小篆書筆法挺勁似是宋人題昌黎事者又有澤山二字
古篆亦似舊人所書附誌於此

強至等題名

□□丁未十一月刻紀號缺行書

杜常等題名

號年泐隸書並在慈恩寺

常字正甫衛州人昭憲皇后之族孫官至龍圖閣直學士知河陽軍此外又有章諒題名李諷題名李遷題名並正書亦無號年附誌於此

范埴題名

丁丑仲夏刻王霽正書在鄆縣定慧禪師碑之陰

此外又有堅之正叔公亮集之題名正書無號年並不詳其

人

乾陵無字碑題字

丁亥清明日刻范益正書在乾州

關中金石記卷第六終

關中金石記卷第七

鎮洋畢沅撰

金

皇弟都統經略郎君行記

天會十二年仲冬立前為女直書後正書譯之篆額在乾州乾陵

此刻乾陵無字碑上文曰大金皇弟都統經略郎君嚮以疆場無事獵于梁山之陽至唐乾陵殿廡頽然一無所睹爰命有司鳩工修飭今復謁陵下繪像一新迴廊四起不勝欣然與醴陽太守酣飲而歸攷天會九年金以陝西地賜齊則其時地猶屬劉豫劉豫帝齊惟撻懶宋史作撻辣以左監軍鎮撫之撻懶穆宗子也為太宗之弟文稱皇弟而不著名合之史當即撻懶無疑

京兆重修學記

正隆二年十一月立李栗撰文潘師雄正書錢義方題額在西安府學

學為府尹完顏胡女修建文云舊學在府城之坤維地前宋崇寧二年命郡縣建府帥樞密直學士虞策改築于此據之則宋金時學非復唐國子監舊址也

重立秦寧宮記

正隆四年十月立喬逢辰撰文王仲成正書在渭南南門外

創修朝元洞碑

泰定二年下元日立井道泉撰文李嶧正書楊演篆額在華陰朝元洞

仙源圖

年月同上李元覽正書此載長春真人以下門徒法孫等姓氏刻前碑後

鄭彥文等題名

大定甲申六月刻正書在同州聖教序記之陰

靈泉觀牒

大定三年九月行書在同官

後有中奉大夫禮部尚書翰林學士承旨知制誥修國史王者王競也競字無競彰德人以二年從太傅張浩朝京師進禮部尚書

戒師誠公塔銘

大定五年八月立僧師倬撰文正書僧有晦篆額在興平中敘述塋冢放光一節襲用巖挺之大智禪師塔銘文弟子

神奇其師每有此等異說不足重也

觀音院碑

大定丙戌九月立李□撰文李居仁正書王從簡題額在隴州

惠濟院牒

大定七年十月立正書在郿縣槐北寺
碑題王競爲通奉大夫與前題異者金制通奉從三品中其
下爲中奉也文稱本院自來別無名額已納訖合著錢乙伯
五十貫乞立惠濟院名額案金世賣僧道尼女冠度牒紫褐
衣師號寺觀名額之例乃世宗大定五年所罷此額給于四
年蓋七年所刻石也

思政堂記

大定辛卯十二月立鄭彥文撰文并正書崔良弼篆額在乾州署內

文有云乾本漢池陽縣至唐改奉天後置爲州梁乾化中升
威勝軍後唐同光年復今名以唐志合之改縣爲州乃乾寧
二年也太平寰宇記云李茂貞建後單王出鎮爲威勝軍文
又云距京兆不越數舍寰宇記東至長安一百八十里

靈泉觀主凝真大師成道碑

大定丙申四月立王鎬撰文李輔正書篆額在臨潼溫泉
碑三乘上刻成道圖中刻記下刻本觀山林水磨田土地基
重修太史公墓碣

大定己亥清明後二日立趙振撰文正書不著姓名在韓城
水經注陶渠水又東南逕司馬子長墓北墓前有廟廟前有

碑永嘉四年漢陽太守殷濟瞻印遺文大其功德遂建石室
立碑樹桓太史公自序曰遷生龍門是其墳墟所在矣攷陶
渠卽芝川水今墓在水南俗說云漢武帝于此得芝艸改名
也

馬烜題名

大定十八年八月刻正書在西安府學刻唐大智禪師碑之
陰

李成說謁祠記

大定十九年刻正書在華嶽廟

許沂題名

大定庚子刻正書在慈恩寺

鑄九陽神鐘銘

大定二十一年四月造宋元豐中柴震撰文正書在臨潼靈

泉觀

修城記

靳康侯撰文并正書在鄆縣

案碑不書紀元惟云皇帝卽位十有六年又云越二十二年
攷金惟世宗大定二十九年餘皆不及數則碑爲大定時立
文有彭城劉公以壽州酒使來鄆金制京都及眞定置都麴
使司他處置酒使司劉公益以監壽州酒務爲其縣令者而
不傳其名

棲雲老人題名

大定壬寅仲冬刻隸書在臨潼溫泉

建濟安侯廟碑

大定二十四年十月立張建撰文蔚□正書并篆額在華州
濟安侯華州城隍神也昭宗光化元年所封文云光化元年
以華州爲興德府封城隍神爲濟安侯今攷唐志改興德府
在乾寧四年志誤也昭宗以乾寧五年八月改元光化始陞
州爲府不得在四年也

靈泉觀記

大定二十五年重陽日立楊峻撰文劉光正書劉利賓篆額
在同官

右碑兩截上截卽刻三年牒文下截刻此記文甚華瞻字法
亦似褚虞金人碑刻之最佳者

仙蛻瑩褐

大定二十七年八月立范若水撰文孫冑堂正書徐安上篆

額有陰亦正書在華陰雲臺觀

棲閑居士張中偉墓表

明昌改元立撰書人缺篆額在郿縣北大歷寺東南

中偉爲中孚中彥之弟其二兄史並有傳碑云父諱達贈太
師靖康末以守吉州死援太原之難中孚以宋之鎮戎軍安
撫使降金爲鎮洮軍節度使知渭州兼涇原路經略安撫使
後封原國公中彥以宋之涇原副將知德順軍降金代李彥
琦爲秦鳳經略使後封宗國公咸與碑說合金載割河南陝
西界宋中孚中彥入宋被畱臨安中彥又爲宋之龍神衛四
廂都指揮清遠軍承宣使提舉佑神觀靖海軍節度皇統初
金復河南中孚中彥又北歸故文又有宗公解印恒山對君
清話云云中孚中彥以宋忠臣之子仕於宋仕於金仕於齊

地還宋載仕於宋地還金載仕於金恬然無所恥恠而中偉
不事仕進消遙終身此宋之遺民達之孝子矣碑題翰林侍
講學士奉政大夫知制誥兼同修國史護軍馮翊郡開國侯
撰文資政大夫參知政事柱國安定郡開國公書而泐其名
崇教禪院鐘欵

明昌壬子二月造正書在咸寧薦福寺

崇教禪院本在武功于金爲武亭縣是鐘于康熙中出自河
畔時巡撫某公方修薦福寺因載歸焉鐘後有尚書禮部牒
文

觀京兆府學古碑詩

明昌五年二月刻劉仲游撰并艸書在西安府學

驪山有感詩

承安居維協洽書雲後七日期移刺霖撰孫極之正書在臨

潼溫泉

移刺卽耶律金史有移刺履元好問集作耶律履是其証商
挺增修華清宮記有太傅移刺公疑卽其人後有跋自署晉
陽舊部吏而無姓名

左口遠題名幢

承安庚申秋三日期行書在華嶽廟

重修州學之碑

泰和改元正月立正書篆額撰書人姓名並缺在綏德州

碑後有綏德州義合寨主簿郇口知臨洮府康樂寨事劉完
金史地里志云綏德州有義合寨置第二將臨洮府有康樂
縣康樂當是先爲寨後升爲縣也又有知軍州事天水縣子

同知軍州事廣平郡侯兩銜文中稱秦君守正以通儒來守
高君□□以名進士爲軍州判官當卽兩人姓名

宋雄飛詩

秦和改元三月刻行書在郿縣觀村老君庵

孫錡題名

秦和四禩冬十月刻正書在同州聖教序記之陰

此碑云褚河南聖教序在州龍興寺宋政和中吉觀國任通
判日移置公署蓋是碑初移于通判署至明正統間乃移于
金塔寺也

虞用康史公奕等題名

秦和五年春四日刻正書在慈恩寺

歸潛志云史公奕字宏父大名人工書自號歲寒堂主人

秦寧宮鑄鐘記

秦和六年上元日造正書無撰文人姓名在渭南

田曦謁祠記

秦和七年四月刻正書在華嶽廟

權綱等題名

秦和丁卯重九日刻正書在同州聖教序記之陰

遊艸堂寺諸詩

大安元年二月刻行艸書前爲雪崑老人後爲東原田曦作
在郿縣艸堂寺

趙門白氏題名

大安二年四月刻正書在興平 關忠義廟

法門寺真身寶塔詩

關中金石記卷第七
大安二年中元日刻僧師偉作朱景祐正書在扶風法門寺
大安二年鐘款

大安二年口月造正書在郿縣東嶽廟

鐘不知所從來舊在縣治形家言不利于長官以數十牛昇
置于廟款云重一萬八千斤題內有以明威將軍攝軍資兼
軍器庫使定遠大將軍攝縣簿尉者此以武階四五品攝八
九品官者也有以徵仕郎行縣令者此以文階八品攝七品
官者也金制中縣置簿尉下縣不置尉郿有簿尉是在金爲
中縣矣

孔朝散詩

貞祐二年七夕日刻行書在郿縣觀村老君庵

碑題積石太守孔朝散當是以朝散大夫出知河州者也碑

不著其名楊煥射虎記又有孔臨洮或亦卽其人

楊振碑

貞祐四年正月立元好問撰文張口正書王元禮篆額在乾

州

唐書宰相世系表載鄴國公侑子行基行基子榮榮子温温
子幼言自幼言以下不及之碑云幼言生頤頤生皐皐生免
免生珍珍生光贊光贊生懷順懷順官金紫仕至西臺御史
襲封至五代漢國始除此可以補唐史之缺又云西臺公有
子十二人長曰公候次公神公雷公賢公洪公素公石公祚
公良公通公演公伏號十二楊村公候子舜靖舜靖子信信
子禹禹子言言子宗宗子懋懋子超道公爲超道之次子攷
唐以奉天之地四百頃賜楊氏故子孫遂爲縣人好問作楊

奠碑文云譜系之詳見君自叙然則此卽本奠所叙述矣奠
卽振子元禮華陰人見奠碑

長安令□公二等題名

貞祐五年春上丁刻行書在西安府學刻唐大智禪師碑之
陰

乾陵無字碑題字

興定五年四月刻張秀華行書在乾州

甯曲重修食水記

興定五年冬下元日立高褒撰文張待舉正書康節篆額

甯曲食水碑陰記

年月全上正書上有圖並在郿縣

甯曲水卽金渠之上流其源自赤谷來者自甯曲以上爲居

民食水以下則灌田爲金渠蓋因其地多砂不能鑿井故引
山水以資用迄今猶然碑稱爲齊相甯戚所開無所依據不
足信也

印公開堂疏

元光二年二月立行書在鄠縣州堂寺

文後云內族昭武大將軍宣權統軍使兼知府事完顏者完
顏阿打也

射虎記

元光二年十月立楊煥撰文謝良□正書張待舉篆額在鄠
縣東門外

乾陵無字碑題字

正大改元夏刻鄭□邠正書在乾州

唐太宗贊姚秦三藏羅什法師詩

正大乙酉仲冬刻釋義金正書在鄆縣艸堂寺

改建題名之碑

正大乙酉十二月立孔叔利撰文吳聽正書盧元篆額

府學教養之碑

正大二年十二月立劉涓撰文楊煥正書張邦彥篆額在西

安府學

遊艸堂寺詩

正大三年立秋日刻趙閑閑作并行書後有方亨跋在鄆縣

艸堂寺

風流子詞

正大三年刻僕散汝弼作正書在臨潼湯池

僕散希魯跋云宋元至今刻石甚多殆難勝紀而當以此為

第一其詞幽麗悽惋字畫勁峭有如拱壁因砌而珍之

唐太宗慈德寺詩刻

正大丁亥刻李文本跋並正書在武功

仙游觀永陽園詩并序

甲子正月立蘭世一正書并篆額在麟遊

雲房二大字

移刺松齡艸書在臨潼縣城東門內

松齡霖之子自紀云雲房鍾離子別號此蓋擬鐘離書法

為之者

饒益寺藏春塢記

阜昌癸丑九月立趙抃撰文正書在朝邑

并自署爲新市監金史地理志朝邑縣有新市鎮是也寺在鎮之西梁天監中建唐貞觀二年起浮圖以明嘉靖地震圯文稱自唐宋以來名人賢士經由往返莫不於此題名主僧勒之于石案今題名惟宋政和中賈炎謝卿村二石尚存唐人名跡皆無之矣自此以下五種並劉豫時刻故附置金後勅祭渾忠武王文并尚書禮部牒

阜昌六年八月立正書

勅祭渾忠武王記

阜昌七年正月立王蔚撰文王寵正書孟醇篆額並在宜川碑爲僞知丹州軍事安撫使劉議立議以渾忠武王諡犯徽祖廟諱抗章請避徽祖者豫之祖也李心傳繫年要錄稱紹興二年四月庚寅豫遷都汴奉祖考于宋太廟尊其祖忠曰

毅文皇帝廟號徽祖宋史以爲四月丙寅非庚寅者誤也是月壬戌朔庚寅月之廿九日也史又云豫名迪功郎王寵不至此記爲寵所書不至之說恐未必是孟醇趙宗室王蔚字叔文史有傳

禹蹟圖

阜昌七年四月立正書

圖劉豫時刻攷豫以宋紹興元年爲金所立則是年當丁巳亦金天會之十五年也每折地方百里所載山川多與古合唐宋以來地圖之存惟此而已攷宋毛晃禹貢指南稱先儒所刻禹蹟圖黑水在雍州西北而西南流至雲南之西南乃有黑水口東南流入南海中間地理濶遠今此圖黑水與毛說合是爲宋以前相傳之舊也唐書稱賈耽繪海內華夷

圖廣三丈縱三丈三尺以寸爲百里中國本之禹貢外夷本
班固漢書古郡國題以墨今州郡題以朱豈此圖之權輿與
圖象之學自古重之山海經前五篇乃益經也其後十二篇
爲周秦以來釋圖之言故往往雜以後代郡縣今案其文有
云在其東或在其北云捕魚水中云兩手各操一蛇云右手
指青邱北之屬皆據形言之耳山海經本有圖故陶潛以之
入詩張駿郭璞以之作讚始知班固藝文志入之形家有以
也不知者乃以爲域外之言堪輿之學非聖經矣又史記言
蕭何收秦圖書大宛傳言昆侖天子案古圖書三王世家有
御史奏輿地圖漢書言李陵圖所過山川地形元帝示後宮
人單于圖明帝賜王景禹貢圖又班固案秦地圖虞喜志林
薛瓚注漢書皆案漢輿地圖晉書言裴秀自製禹貢地域圖

十八篇李吉甫元和郡縣圖志言起京兆府盡隴右凡四十
七鎮每鎮皆圖在篇首今俱不存則此圖之傳良足寶矣地
理之學古今互異試條其得失附以鄙証爲讀禹貢者有所
採也

案圖嶠豕山在秦州東南深合白漢以來相傳之說攷水經
禹貢山水澤地所在言嶠豕在隴西氏道班固地理志言在
隴西西縣漢氏道及西縣治皆在今秦州自魏收地形志以
嶠豕山爲在華陽郡嶠豕縣括地志元和郡縣志並承其誤
山乃移今之寧羌州矣然唐人猶兩存其說據魏收以駁班
固自胡渭禹貢錐指始

案圖西漢水出秦州南至涪州入江東漢水出興元府東至
漢陽入江亦合于班固地理志之說其圖西漢水不通于東

漢則不合于古何則余嘗謂禹貢言嶓冢導漾是言水之在今甘肅秦州者也東流爲漢是言水之在今陝西漢中府者也又東爲滄浪之水則言水之在今湖北省者也西漢至寧羌州西北有水通于東漢班固所云東漢水首受氐道水郭璞爾雅音義謂之潛水水經注謂之通谷水括地志謂之復水云出利州緜谷縣龍門山今俗以爲燕子河也其水于圖當自興元府南承東漢水流至利州北合于西漢而殊未之及今四川廣元縣是唐宋利州治寧羌州是其東北境龍門山在州北百五十里卽李吉甫所云利州東北有龍門山者也樂史又云龍門山下有燕子谷或水之所以名矣郭璞旣稱舊云卽禹貢沱潛缺之非也

案圖黑水是三危之黑水黑水實有二余攷華陽黑水惟梁

州孔安國言東據華山之南西距黑水張守節史記正義案括地志黑水源出梁州城固縣西北太山以此釋梁州黑水較長酈道元案諸葛亮牋稱朝發南鄭暮宿黑水卽此諸家解書以二黑水爲一非也今水在漢中府城固縣西北五里案圖漆沮之洛至同州南入于河古說皆入渭是洛自宋金時改流入河也近韓邦靖著朝邑縣志云洛水明成化改流入河不察之至矣

案圖無漆沮蓋洛卽漆沮孔安國書傳水經

見史記注晉灼所引今本無之

闕駟皆言是也李季卿三墳記石刻亦云漆沮泛溢馮翊昏墊是唐人猶存其說矣漢人言漆縣西有漆水入渭在今麟遊縣合雍入渭者爲詩自土沮漆之漆是古但有兩漆水耳水經注洛水下又有漆水又遁甲開山圖長安西有漆渠俱

關中金石記卷第七
非禹貢之漆然自樂史宋敏求以來所在多漆水矣

華夷圖

阜昌七年十一月立正書並在西安府學

關中金石記卷第七終

關中金石記卷第八

鎮洋畢沅撰

元

皇太子修艸堂寺令旨

癸卯年五月乙未年十一月丁未年四月又十月立並正書
篆額在鄠縣

右碑分四格上二格爲皇太子令旨教修艸堂寺者第三格
則爲修寺不蘭奚并匠人等覩當衣食第四格則恐缺少修
寺不蘭奚人等補數皆令旨也皇太子名濶端太宗之第二
子是時未立號年所稱癸卯蓋當宋理宗之淳祐三年丁未
則七年也其第二格稱乙未當爲乙巳之誤是淳祐五年就
令旨上下來歷觀之自見不然則乙未爲端平二年前淳祐
癸卯更八年與修寺事何涉此則刊字時之誤也

孫真人祝文

丙午歲二月立皇太子濶端撰正書在五臺山

劉處士墓碣

己酉孟夏立楊英撰文張徽隸書李微題額在西安府學處士字希文名章又名九隴又名渭又名於菟字則不易也金以天興三年甲午之歲亡而元自世祖始以中統紀號是年歲在己酉當是定宗未卽位之前馬真太后臨朝稱制之日也

重陽宮聖旨碑

虎兒年七月立上蒙古字下正書釋之在盤屋

孫真人福壽論

丙辰九月立楊聰正書

題孫韓二真人詩

丙辰歲重九日刻楊聰作并行書

唐太宗賜孫真人頌

丙辰重九日立後有邳邦用跋並楊聰正書

與李素舟張志和書

無號年楊聰行書並在五臺山

唐通微道訣碑

唐乾元二年六月明皇製文元戊午歲人日本觀道士楊思聰重立行書在三原大化觀

戊午憲宗八年

長春真人述

大朝癸未重九日刻正書在咸寧牛頭寺

輟耕錄邱處機號長春子登州棲霞人金大定丁亥謁重陽
真君于寧海請為弟子戊申召見闕下隨還終南山金主召
不起宋使來召亦不起太祖遣近侍劉仲祿持手詔致聘至
行在所命掌天下道教至燕居太極宮仲祿元史處機傳作
仲福祖庭真仙傳亦作仲祿

陀羅尼經幢

釋海覺唐梵二體書在咸寧開元寺

幢內梵書與同文韻統所載番相阿努所製西番字母相同
為元代所建無疑

建文宣王廟記

中統二年五月立王處厚撰文馮慶正書并篆額在高陵縣
學

楊奐碑

中統五年建巳月立元好問撰文姚燧正書并篆額在乾川
碑文往往與史合惟作萬言策未及上歸教授鄉里後安撫
使辟經歷官京兆行尚書省以便宜署君隴州經歷皆辭不
赴應參乾恒二州軍事庚寅春試授館張公信甫之門等事
史不及之耳又史言著還山集六十卷天興近鑑三卷碑云
還山集一百二十卷紀正大以來朝政號近鑑三十卷亦異
燧奐之弟三女壻

修宣聖廟記

至元三年四月立張鼎撰文正書在高陵
鼎自稱卞人為不知者加點水于旁作汴志書因之不可不
知其誤文有云舍宇無丹楹刻桷之美無山節藻梲之麗此

本鄭康成禮記注不用朱子藏龜之室之解者也字亦精整
可愛

馮時賁詩

至元戊寅春三月刻正書在郿縣觀村老君庵

贍學田記

至元六年正月立賈仁撰文雷孜正書在西安府學

勅賜開福寺額記

至元六年十月立沙門志清撰文正書無姓名在同官

誠明真人道行碑

至元九年九月立王盤撰文賈庭臣正書在蓋屋樓觀

重修唐清涼國師妙覺塔記

至元九年九月立沙門印撰文或正書

國師卽澄觀字大休俗姓夏侯氏會稽人初居本州寶林寺
後居五臺閣錫于華嚴寺十年死賜諡清涼國師塔曰妙覺
本朝雍正十二年十月十五日奉

旨清涼觀著封妙正真乘禪師仍著該地方官致祭一次清涼
山志載師示寂後有梵僧至闕表稱于慈嶺見二使者凌空
而過以呪止而問之答曰北印度文殊堂神也東取華嚴菩
薩大牙歸國供養有旨啟塔果失一牙唯三十九存焉遂闍
維舍利光明瑩徹舌如紅蓮色仍賜諡清涼國師攷師以唐
開成三年三月死先未死時文宗已號爲僧統清涼國師矣
故志云仍賜諡師以天寶二年出家大歷三年代宗令同大
辯正三藏譯華嚴經爲潤文大德後辭入五臺著經疏貞元
十二年特召入京與蜀賓般若三藏譯烏茶國所進華嚴後

分梵夾成賜號教授和尚後加僧統國師爲華嚴六祖

題唐清涼國師塔額

至元九年重陽日立正書並在咸寧華嚴寺

天真觀鐵方響

至元十一年四月造正書在郿縣署

欵云郿州天慶宮下院天真觀者攷宋史大中祥符七年鳳翔府天慶觀甘露降宮名仿于宋時也方響世亦謂之雲版雲仙襍記以爲磬之遺制但磬以石雲版以金爲之耳

建極宮蒙古字聖旨

至元十二年二月立上蒙古字下正書在韓城龍門

王鶚建極宮記曰禹門舊有神祠因兵而毀今道者姜善信河東趙城人師蓮峰靳貞屬陝右兵亂士大夫避地者皆依

之一日語及禹門神祀因兵而毀公卽有潛復之志卽抵其所因其舊制而蓋之上卽信徵聘陞辭勅賜宮曰建極殿曰明德閣曰臨思命大司農姚樞大書其額以示歸榮據之則建極宮亦禹廟也世祖本紀至元元年七月龍門禹廟成在今縣東北之六十里

重陽仙跡記

至元丙子中秋日立劉祖謙撰文姚燧正書并題額在蓋屋重陽宮

祖謙之文以金哀宗天興元年作至是始刻于石耳唐順之左編重陽姓王名嘉咸陽人

重修宣聖廟記

至元十三年九月立徐琰撰文正書篆額無姓名

府學公據

至元十三年十二月立正書隸額

皇子安西王盛德之碑

至元十四年正月立孟文昌撰文駱天驤正書篆額並在西安府學

寶慶寺記

至元十五年八月立商挺撰文并正書在平涼府空同山碑云至元九年十一月分封皇子安西王案元史世祖本紀至元九年十月丙戌封皇子忙哥刺爲安西王與此微異商挺傳至元九年忙阿刺爲安西王以挺爲王相

玉清萬壽宮碑

至元十五年上春立姚燧撰文王元輔正書篆額在汧陽

天真觀四至題字

至元十六年正月立正書在郿縣題云京兆郿縣東關天慶宮下院天真觀以前十一年方響攷之卽郿州也前云州此云縣是改州爲縣當在十一年之後十六年之前矣史云至元元年省郿州爲郿縣恐非又史稱十六年改京兆爲安西路總管府此猶稱京兆則在未改之前可知

棲雲王真人開澇水記

至元十六年中元日立薛友諒撰文孫德或正書在蓋屋樓觀

何太古題名

至元十七年仲夏刻飛白書在慈恩寺

崇靈廟記

至元十七年十月立王博文撰文僕散祖英正書駱天驤篆額在渭南尹村

崇靈廟者土人祠周孝侯處設也碑只載處與氏人齊萬年戰歿事謂秦人思而祠之措詞得正明人因之乃謂孝侯卽渭南人且指到獸山爲孝侯殺白額虎地附會縣東之赤水橋爲卽長橋穿鑿可笑碑云崇靈金大定間賜額

蔡孝子順碑陰記

至元十七年十月立鄒任志撰文正書在渭南鄉賢祠

吳山寺地土執照

至元二十年四月僧永輝立正書在乾州

馬宗師道行碑

至元癸未歲重五日立王利用撰文孫德彧正書李頰篆額在盤屋重陽宮

靈應宮鐘款

至元二十一年二月造正書在朝邑

陳亞天慶宮詩

至元甲申春二月刻正書在郿縣觀村

重修說經臺碑

至元二十一年立李道謙撰文李志宗正書在盤屋樓觀道謙字和甫汴梁人初事洞真真人至元十四年安西王開府陝西著提點五路道教兼領重陽萬壽宮事元貞元年賜號天樂真人

李道謙詩

至元乙酉春三月刻正書

沁園春詞

至元乙酉夏刻李如堅撰正書

冉德明詩

至元乙酉孟冬刻正書並在郿縣觀村

王重陽仙跡記

至元己丑七月立劉祖謙撰文劉汾正書并題額在咸陽

李真人門下記

至元二十七年三月立正書在郿縣觀村

古文道德經

至元辛卯立高翹書古文未有記篆文李道謙跋隸書在盤

屋說經臺

經爲翹所書云出古文韻海宋史藝文志無此書字體奇詭失實非古人之遺也唐太史令傅奕校定道德經古本字字有據如號而不憂見玉篇今本譌作嘍如春登臺見易州所刻唐明皇注本今作如登春臺儼乎其若客與下句釋字爲韻而王弼本作若容此類甚多唯傅本不誤惜翹不依此作篆而僅依俗本專輒造字未免爲識者所笑耳翹以憲宗乙卯歲書至元時刻石

薛文曜重修宣聖廟記

至元三十年三月立劉忠撰文齊天祥正書并題額在澄城

陳大中墓塔銘

至元三十年仲夏立郭汝弼撰文并正書在韓城

大中字子正韓城縣人初仕韓城尹至元二年改楨州判官

四年移乾州七年爲澄城尹加敦武校尉復調韓城二十九年卒葬縣之東南陳莊

重修文廟記

元貞建元十月立韓擇撰文并正書在臨潼
擇字從善元史傳附蕭夔後

鍾都尉墓碑

大德四年立正書在同官神水鄉
碑僅存上截無撰書人姓名

甘澍之記

大德九年重九日立顏守淪正書并篆額在華嶽廟

西鎮祀香碑

大德十一年七月立梁□□撰文正書姓名泐蒲明德篆額

在隴州

文有云皇帝以大德十一年五月二十二日誕膺寶位合之
元史則武帝以是月二十一日卽位于上都也小異

加聖號詔

大德十一年七月立正書一在西安府學一在韓城縣學
元史武宗紀大德十一年武宗卽位七月加封至聖文宣王
爲大成至聖文宣王

張洵重修縣學講堂記

皇慶元年年季秋立岳松撰文劉堯澤正書篆額在澄城
加封至聖文宣王碑

皇慶二年正月立趙世延撰文并正書

世延以至大四年爲陝西行臺侍御史是年陞浙江行省參

知政事尋召拜侍御史

加聖號詔跋

皇慶二年五月立趙世延撰文正書篆額並在西安府學

華嚴世界海圖

皇慶癸丑七月立釋圓覺正書在咸寧開元寺

修太白廟記

延祐元年四月立李昶撰文文禮愷正書部從禮篆額在郿縣

世祖時有東平須城李昶與此是兩人

修太白廟助緣功德主名

年月全上正書刻前碑陰

題名中里社內有柿林社者卽廢柿林縣也元志舊於郿州

添置柿林縣至元元年省一統志柿林廢縣在郿縣東四十里

藏御服碑

延祐二年三月立趙世延撰文趙孟頫正書李□□篆額在蓋屋重陽宮

玉泉觀記

延祐乙卯四月立潘汝劼撰文并正書題額在澄城玉泉觀爲和陽子棲真之所其徒純靜大師王永謙所造也汝劼時爲陝西諸道行臺御史

清涼院碑

延祐三年稽月立長老垠撰文蒲忠孝正書蒲明德篆額在隴州

郝巨卿墓碣

延祐四年十月立岳崧撰文曾孫惟賢正書段□□篆額在韓城柳村

文云天興壬辰大中書丞相耶律公爲董軍國事適汴張晏以待四方之士者卽耶律楚材也天興壬辰當元太宗之三年是年八月太宗幸雲中始立中書省改侍從官名以楚材爲中書令是歲元兵克鳳翔還攻洛陽河中諸城盡下之此其事也岳崧字景山邵陽人延祐中三聘不起解禽鳥語常讀書于臥龍岡與蕭欒友善

祀西嶽文

延祐四年臘月立正書篆額無姓名在華嶽廟

祀西鎮碑

延祐四年十二月立莫勝撰文賈幹魯思台正書并題額在隴州

隴州

文云延祐丁酉秋泰山摧裂小民震駭者成宗本紀是年七月成紀縣山崩土石潰徙壞田稼廬舍壓死居民十月遣御史大夫伯忽參知政事王桂祭陝西嶽鎮名山賑卹秦州被災之民卽其事也又稱伯忽爲開府儀同三司太傅御史大夫王桂爲中奉大夫中書省參知政事與史略同

贈安定郡伯蒙天祐新阡表

延祐五年九月立蕭欒撰文并隸書篆額姓名缺在大荔碑題云知船橋兵馬都總管萬戶府奧魯千戶贈朝列大夫同知晉寧路總管府事騎都尉安定郡伯蒙君諱天祐字祐之蓋蒙君官至總管府萬戶以子懷□貴得贈官如之也子

封安定郡伯職亦不卑而史傳莫可攷特以惟斗文傳之耳
碑甚磨泐不可讀

唐開元寺興致

延祐六年正月立正書篆額在咸寧開元寺

碑序開元二十八年明皇與勝光法師論佛功德令天下州
府各置開元寺故上方繪明皇及法師像攷鄆縣重雲寺有
吳思溫唐太宗與元奘對譚畫壁卽此等事也碑具載上石
勒字人名不及書及篆額者當時人之艸率可見

光國寺聖旨勅

延祐六年八月立上蒙古字下正書釋之在邵陽

勅稱馬兒年四月應是延祐五年

橫渠祠堂記

延祐七年正月立文禮愷撰文楊粹正書并隸額在郿縣
文有云先生之書有覆瓿之議又云天相斯文無往不復是
當時尤有未信其學者攷西銘初成楊時致書伊川曰西銘
言體不及用恐其流至于兼愛伊川答云橫渠立言誠有過
者乃在正蒙西銘爲書推理以存義與孟子性善養氣之論
同功豈墨氏之比朱子跋太極西銘二書曰始余作太極西
銘二解未常敢出以示人近見儒者多議兩書之失或未通
其文義而妄肆詆訶余竊悼焉由是言之宋時之議橫渠者
不少得程朱表章久而論定程朱之爲功于橫渠大矣

加封師真人勅

延祐七年重陽日立陳德定正書并篆額在五臺山

右共四勅並以至大三年二月下弟一勅加贈東華帝君爲

東華紫府輔元立極大帝君弟二勅加贈鍾離真君爲正陽
開悟傳道垂教帝君呂真君爲純陽演正警化孚佑帝君劉
真君爲海蟾明悟宏道純佑帝君王真君爲重陽全真開化
輔極帝君弟三勅加贈邱處機爲長春全德神化明應真君
弟四勅加贈馬鈺爲丹陽抱一無爲普化真君譚處端爲長
真凝神元靜蘊德真君劉處元爲長生輔化宗元明德真君
王處一爲玉陽體元廣慈普度真君郝大通爲廣寧通元妙
極太古真君孫不二爲清淨淵真元虛順化元君勅並付元
門演道大宗師掌教凝和持正明素真人苗道一收執案元
史邱處機傳處機與馬鈺譚處端劉處元王處一郝大通孫
不二同師重陽王真人金宋之季俱遣使召不赴歲己卯太
祖自乃蠻命近臣札八兒劉仲福持詔求之處機與弟子十

八人同被見此加贈處機勅內有云逮芝綸之疊降躡雲
以來從率英賢凡十八人言宗社非一二事者與之合馬鈺
寧海人本名從義字宜甫譚處端本名玉並重陽改名全真
學者稱鍾呂劉爲三祖又以重陽爲祖師然重陽之教皆長
春張大之者也劉字元英名哲自號海蟾子五代時人處機
弟子十八人今可攷者共四人勅贈清和妙道廣化真人尹
志平勅贈真常上德宣教真人李志常勅贈元通宏教披雲
真人宋德芳賜號元門宏教白雲真人綦志遠並見祖庭仙
真內傳

重修香城院記

至治二年五月立亭木曾冲撰文正書在咸寧香城寺

泰寧宮包砌坤柔殿基記

至治三年八月立同鶚撰文并正書篆額在渭南

祀西鎮吳嶽廟祝文

一泰定四年五月一泰定五年四月立並馮道安正書在隴州廟內

碑後題云馮道安立石而碑實鎔鐵爲之余集陝西諸金石得鐘款十有一件鐵碑則一而已又爲陰識字體精整尤可愛也

王氏世德序

泰定四年七月立歐陽元功撰文夔夔正書并篆額在朝邑此碑明時所刻夔夔卽康里子山也

默庵記

泰定四年立趙良弼撰文并集唐顏真卿正書在咸寧楊萬

坡

元有兩趙良弼皆非此人韓國文正公字輔之卒於世祖至元二十三年又有一人字君卿東平人爲嘉興路史遷杭州亦能書出鍾嗣成錄鬼簿

西臺御史謙齊朶兀忽都魯別題名記

至順二年九月立正書在興平縣治前

孫德或道行碑

元統三年九月立鄧文原撰文趙孟頫正書在蓋屋重陽宮文原字善之一字匪石綿州人以天歷元年卒當是子昂追書其文也

祀妙應真人記

至元二年上元日立周德洽撰文後刻完者台皇后祭文並

正書在五臺山

完者台皇后卽順帝弟二皇后奇氏

夔夔與王由義書

至正元年四月刻艸書在朝邑

御香記

至正二年上元日立高燾撰文李拱正書王道清篆額在五

臺山

孔子廟制詞

至正三年九月立正書篆額在郿縣

內加封啟聖王制爲至順二年九月加封大成至聖文宣王
制爲大德十一年七月加封大成至聖文宣王夫人制爲至
順二年六月并刻於至正三年也以元官爲并官與漢韓勅

碑宋大中祥符封鄆國夫人詔宋鄧名世姓氏書辯証王伯

厚姓氏急就章諸書合

瞻學地畝及題名

年月全上正書刻前碑陰

重修宣聖廟記

至正四年四月立任惟孝撰文白好義正書篆額在宜川

馬嵬詩

至正六年六月立張洵正書在興平貴妃墓上

奉元路重修廟學記

至正六年十月立虞集撰文王守誠正書蘇天爵篆額在西
安府學

守誠字君寔著經世大典成拜陝西行臺監察御史字法近

虞世南合以虞文蘇額可稱三絕

奉元二瑞之記

至正九年七月立何恭撰文傅夢臣正書并篆額在西安府碑上層爲二瑞圖下刻記二瑞者嘉禾岐麥也圖刻甚工惜文與字俱不佳恐不足以傳遠耳

艸堂寺詩

至正壬辰四月刻釋溥光作并行書在鄠縣

雪庵詩石凡二又一石爲艸堂值雪詩行書前書衛尉副使與屯公畱題名不可辯書史會要溥光字元暉號雪庵俗姓李氏特封昭文館大學士賜號元悟大師

重修后土廟記

至正十一年七月立余闕撰文李成正書秦不花篆額有陰

在渭南南門外

雷祥廟碑

至正十二年十一月立潘懇撰文并正書篆額在白水

祥善醫能陶所造磁器甚工時人謂之雷公器歿爲彭衙土神常顯靈異蝗不爲害寇盜不至境內里人祠之文稱天朝加封致祀銘又有擬周班爵明王之封等語而不明著其號又不載祥爲何代人是所缺略

重立泰寧宮記

至正十三年八月立王璞撰文并正書篆額在渭南南門外碑上方刻宋大中祥符牒右刻金正隆四年記此刻於左其陰刻當時縣尹丞尉簿史姓名是碑蓋磨去唐渭南縣令李君清德頌而重刻者內陰陰有文云渭南令李君云聖歷二

年攷趙明誠金石錄作元年疑誤

王德成題名

至正十三年九月刻行書在慈恩寺

修忠惠王廟碑并陰

至正甲午仲夏立黃理仙撰文正書篆額姓名缺碑陰亦正書篆額在興安州牛山

忠惠王者唐刺史崔堯封也或曰堯封名偉中和三年黃巢亂有太白山人獻計于偉曰一發牛山巢滅掘之得黃要獸置劍其上斬之巢敗偉由是得道至宋封為忠惠王至正十一年總兵官月魯帖木兒擊破紅巾賊劉福通重新此廟理仙時為興安學正命為文以紀之碑甚豐偉

修禹廟碑

至正十四年仲夏立李克敏撰文裴時靜行書百嘉納篆額

在韓城

郭鈞遺愛碑

至正十五年正月立常視遠撰文李琇正書養安處篆額在

郿縣

義門王氏先塋碑

至正十五年戊子月立歐陽元撰文危素正書趙期頤篆額在蒲城

書史會要期頤字子奇汴梁人官至陝西行臺治書工于篆六研齊筆記期頤篆迹渾樸高古以禹碑周鼓為宗無一筆似陽冰

瓊公道行碑

至正二十二年四月立釋□洪撰文朶羅台正書在咸寧開元寺

朶羅台唐元氏積官昭信校尉芍陂屯田千戶所達魯花赤元史有傳

官家石洞碑

至正二十二年十一月立正書在三水東北洞內

文有云居士蕭元義任御史見居斯窟顯清縣尹睢恭娘子張氏達魯花赤秀堅帖木兒夫人周氏趙氏亦居此處時至正十九年六月初六日後二十二年壬寅十一月黃鐘吉日立石

東嶽廟碑

至正二十三年九月立孔克任撰文并正書篆額在長武

文並正書唯前題孔克任名及後號年二行篆書

周公廟潤德泉記

至正二十五年三月立孔克任撰文并正書篆額在岐山碑李思齊所建文及書體並雅令但以崔珙碑誤指爲宋則甚可笑其叙思齊官爲銀青光祿大夫邠國公陝西等處行中書省平章政事兼知四川等處行樞密院事皇太子詹事攷元史本紀則是年正月封思齊爲許國公至五月始加銀青光祿大夫邠國公及樞密詹事等官也碑立于三月已有是稱疑史誤

渾忠武王感應碑

至正二十五年三月立魏志遠撰文王克明正書崔安平篆額在宜川

文有云至正二十二年冬十月總兵官太保中書右丞相孛羅帖木耳特奉聖旨爲守禦延安分命中奉大夫河南江北等處行中書省參知政事朱希哲守禦宜川攷元史叛臣傳是年八月孛羅帖木耳據延安欲東渡以奪寧晉十月乃南侵擴廓帖木耳所守之地是時孛羅跋扈與擴廓李思齊等相持彼此踐襲故文又有亂兵侵我疆場殺我良民云云再三公表孛羅以至正二十年爲太保此著其稱于二十二年下者當是追書文體卑靡不足道篆額亦甚戾
重修宣聖廟記並陰

至正二十六年三月立董立撰文張冲隸書在西安府學
雍大記董立字植夫以明經中經元隱居教授徵拜翰林修撰輔導儲副遷司業以績著累擢陝西行臺侍御史卒諡文

定

移落星石題字

至正二十八年刻米克明記正書在興平縣治

右刻在唐太和中陳元錫題名之後石卽晉昇平元年所隕者也詳見元錫記及晉書本在縣東北田間克明昇之縣署因有此題

也先帖木兒殘碑

號年缺正書在華嶽廟

也先帖木兒脫脫之弟曾爲御史大夫陝西行臺監察御史此碑當卽其時所立

道德經

正書無號年及書人姓名在蓋屋說經臺

石罍鐫華云此碑似出杜道堅李志宗輩而不著姓氏

蔡孝子順墓碑

田遠撰文正書在渭南縣東十里孝子村

天冠山詩

無號年趙子昂作并行書在西安府學

此是明刻未有文待詔徵明跋

關中金石記卷第八終

關中金石記書後三首

彝鼎之顯由二漢則許浚長言之矣志碑之著由二魏則鄺中尉詳之矣皆以金石刻覈攷古事古言用資洽聞然或代易物湮始存終軼往往不可得徵老沙勒之猶不能久寧論易殄耶唐史載乾元中京師壞鐘像私鑄小錢會昌中李郁彥以鐘鐸納巡院充鼓鑄用宋史載姜遵知永興軍太后詔營浮圖遵毀漢唐碑碣以代磚甃摧敗之事豈特前世後或甚之矣巡撫公監茲放失欲永其傳講政之暇日採集焉又用真知條證肆攷傳合別否務得故實取其片羽可用爲儀蓋剏然于洪薛歐趙之上矣今坵校字得審觀焉點次卷目謹識其尾時乾隆重光赤奮若歲相月後學錢坵撰

魏酈道元撰水經注四十卷凡引漢碑百魏碑二十晉及宋魏

稱是竊嘗謂金石之學惟道元能見其大今讀其注如華陰載
祠堂碑鉅鹿載神壇碑則祀典可定也滎陽石門之銘沛郡石
坡之頌則水利可興也洛陽南界冀州北界之石則區域可正
也曲江瀧中碑新城大石山碑則幽遠可通也魏收倣之故撰
魏書地形志于郡縣下每引漢魏以來石刻巡撫畢公再蒞陝
西前又兩攝蘭州之節凡自潼關以西玉門以東其道路險易
川渠通塞及郡縣之興廢祠廟之存否莫不盡然若萃諸掌今
記中所散見是也夫歐趙洪薛之撰集金石僅藉以考古而公
則因以興灌溉之利通山谷之遠修明疆界釐正祀典既非若
道元之注託之空言又非若歐陽諸書僅資博識則所得實多
焉公既嘗以案部至咸陽讀周文公廟諸石刻爲守墓之裔請
於

朝增置五經博士近又欲考定臨晉河伯之祠郃陽子夏之墓
皆公經世之務之獲於稽古者也讀是記者可以觀其槩焉後
學洪亮吉跋尾

雍涼之域實曰神臯吉金樂石之所萃也爾乃竹書紀異昆侖
樹王母之眉韓非著書華嶽勒天神之字休與貌哉其詳軼矣
若其列侯尸祀銘業乎奇器漢將揚武紀威乎絕域西京崇秩
望之儀蜀魏盛開鑿之蹟固亦有焉是以岐陽石鼓厥貢於上
京裴岑紀功揚光于昭代暨乎唐葉作都渭陽宮室陵寢此焉
是集移山壽績壓岫標奇巖巖負文而疑神螭虬挾篆而歛走
亦越宋元彌工題唱鐫名百仞之翠沈字九回之淵莫不比重
昆瓊方珍華玉自是厥後廢興忽然頽坻晝落則偉額潛埋野
燎宵飛則貞趺渙碎承平以來塵居愈阜削員珉而代甃臥方

闕以治絲或乃因文昌之小辭劇皇象之逸製者古之士蓋其
閔矣隱顯之候豈其恒歟今陝西巡撫畢公江左之望蔚矣儒
風漢庭之才褒然舉首逮乎爲政其學益敦開府乎咸林攝節
乎涼肅外傳有云夕而序業周公之美讀書百篇公其體之斯
爲大矣時則鄭白之沃互有泛塞公廝渠所及則有隨便子谷
造象得于長安唐爾朱達墓碣得于郃陽朱孝誠碑得于三原
臨洮之垣亘以河朔公案部所次則有唐姜行本勒石得于塞
外梁折刺史嗣祚碑得于府谷寶室寺鐘銘得于鄜州漢鄒君
開道石刻魏李苞題名得于褒城公又奏修嶽祀而華陰廟題
名及唐華山銘始出焉公釋奠學校而開成石經及儒學碑林
復立焉自餘創見多後哲之未窺前賢之未錄公受之以藏是
云敦素獲之有道乃惟賢勞其知者曰可以觀政矣重光之歲

月移且相武橐有緘嘉禾告瑞公始從容晨暮校理舊文考厥
異同編諸韋冊且夫歐趙之書徒訂其條目洪都之著弟詳其
年代公証古之學奄有征南博聞之才通知荀勗此之造述力
越前修談經則馬鄭之微辨字則楊杜之正論史則知幾之邃
察地則道元之神劬及九章淵通內典承天譜系之學神珙字
母之傳固已奪安石之碎金驚君苗以焚硯君子多乎于公未
也公旣理其打本藏諸名山刊其嘉言詒之來學謬承校錄略
悉源流若公惠政之列
國勲之章方與往刻共不朽焉非所及也後學孫星衍撰

